

教

乙卯秋  
吳俊  
刻



有不爲齋集卷四

江甯端木埰子疇著

編後學江甯鄧嘉緝編訂  
世姪江甯夏慶紱重校  
外孫溧水朱紹亭

張文毅公行狀

張文毅公諱芾字同紱而與蔽芾音異嘗蒙

宣宗成皇帝垂問公敬以對

上曰是米芾同名也故字黼侯一字小浦以公父字雲浦也涇

陽張氏同居至十一世

高宗朝旌義門及公十三世矣曾祖懋基考職州同祖珽福建

臺灣道兼學政父五緘湖北安陸縣知縣母氏晁氏王曾祖祖

父皆以公貴贈光祿大夫吏部左侍郎加一級妣封夫人公王

有不爲齋集卷四

太夫人出也天性忠孝肫然竺厚而資穎絕人居平渾渾不見

圭角卽對奴僕常煦煦人故樂就之成童補縣學生舉道光辛

卯

恩科陝西鄉試乙未成進士

殿試二甲第一改翰林院庶吉士散館授編修充

國史館協修纂修官戊戌辛丑會試同考官己亥廣東鄉試正

考官升詹事府中允翰林院侍講侍讀詹事府右春坊右庶子

直

南書房充

日講起居注官大考翰詹一等充癸卯科江西鄉試正考官放

安徽學政調江蘇學政公蚤達旣貴供奉

內廷譽望嶷嶷閭然獨修於學靡不闕每治一書自首至尾然不肯自標舉與人交雖一介必與之齊居翰林清苦自奉儉約雖事太夫人曲意豐厚博施忘己親族戚友之有請者稱貸以應必集其事入雖重負之不爲意曰懼吾德不卒也能飲好客酒酣豪快意氣頓張善騎射而身僅中人挽強命中翼如也數持文枋鑑別惟恐弗精教士獨嚴禮法

宣廟晚年於公有特達知學政未一年升內閣學士兼禮部侍郎銜謝摺中奉

手詔有吏治民風武備諸端亦宜在在留心上備探詢而下以充見識之諭任滿回京已拜工部右侍郎兼管錢法堂仍直南齋充

有不爲齋集卷四

二

經筵講官署戶部左右侍郎兼管三庫錢法堂事務時年甫壯風力殊勁襄理部務老曹司猶敬懼之當軸者於公本座主又夙引重顧議論多不合出視學江西履任卽奉

諭查副將達崇阿知府劉熾昌被參貪劣款蹟據實奏參

文宗御極應

詔陳言尤嚴君子小人之辨於大學士耆英所奏用違其才卽君子亦誤事用當其才卽小人亦濟事等語剴切駁論得

旨保舉何紹基朱琦邱建猷沈衍慶四員沈時爲鄱陽令著循迹而耳疾重聽公尤力薦以謂人材難得其年尙壯非昏聩比後死饒州之難旋奉

諭查巡撫陳阡被參汙玷官箴各款得實罷之戶部奏請復開

捐例疏力陳其不可調吏部右侍郎轉左侍郎又調刑部左侍郎任滿將旋京而奉權江西巡撫之命咸豐二年九月也時粵賊方圍攻長沙江楚多界連屢奉

廷寄軍務防堵事件與在籍尙書陳孚恩商籌公陳江省賊竄要路唯袁屬萍鄉與吉屬之蓮華廳而尤以九江濱臨大江筧籥皖楚所屬瑞昌又爲江鄂陸路要衝宜備賊去長沙陷岳州公出防九江未一月武昌陷撥兵營道士泐力殊單下巢湖孤軍六七百人耳江城防兵甫集千人居民間警逃亡團練罕有應者賊船已掠黃州適歲除補巡撫未數日總督陸建瀛至公卽分防瑞昌陸路兩日而提督向榮收武昌亦至賊船數百分犯瑞昌擊之走併大股瞬息已達九江公返九江未至城陷而賊又走嚴疏自劾奉

有不爲齋集卷四

三

旨革職留任自劾

飭回省城籌備大兵追賊船糧賊已迭陷安慶及江甯矣居數月向榮子繼雄營師船長江未成軍而遽有免兒磯之敗賊船數百泝流上駛已革總兵福某等奉向令追賊蕪湖誣稱民船遽自返走公誦賊由江路之必犯南昌也奏調湖北臬司江忠源來援江方自楚赴皖道出九江聞警先由間道馳至備預粗定賊大至城中調防官兵祇數百人續募民丁二三千人僅守陣江部楚軍亦千三百人耳城之守具軍火幸備爲礮台如法空其中可自上而下三面擊賊亦能出戰他城所未有也江至復於城中築月牆掘裏濠設甕聽備突城賊於永和得勝兩門

外各爲營每夜來攻御之楚軍出擊連有斬獲城頭大礮沈數賊船人心少定湖北援軍都司戴文蘭九江總兵馬濟美率本兵先後至分駐永和章江各門公奏請以江公總統諸軍數出擊賊顧營壘堅不能下諸軍頗有傷亡馬濟美戰沒六月初四賊發地雷得勝門城陷數丈賊乘城者甚眾江弟忠濟督兵力拒御之自是地雷時或數道並發城缺至十數丈傷亡尤眾最後得勝門西城腳先已破者爲賊地雷塌三丈餘積雨彌旬上霧下潦賊尤猛攻抵築獲全七月朔天氣開霽公與陳公商令永和門外諸營進奪賊營江公所部攻光孝廟賊巢皆以泥瀟未能卽下是日公方督兵城樓賊槍雨集親軍哈玉恩碎其首僕鄭貴腹洞穿血濺公衣淋漓士氣彌奮賊船二千餘尾至者

有不爲齋集卷四

四

猶數百分擾豐城及饒州浮梁適太和土賊撲吉安城知府王本楮自省城率兵回援死之上猶縣賊猶未盡平總兵音德布自江南道員夏廷樾等湘軍練勇自湖南亦先後至分道四出江公出城親督戰移湘營進逼賊又以賊船多而官軍皆陸也分夏廷樾等軍泝章江西南之樟樹鎮督造船筏兼備袁臨知縣劉長佑訓導羅澤南別將援吉安其東南則已革編修吳嘉賓糾合撫建義勇防武陽渡獨城北東西水陸皆賊圍城且三月矣賊食頗乏鄉民餽賊者亦禁斷西北七里街賊至是與官軍鏖戰數晝夜乃登舟悉東竄樟樹船筏顧猶未集江公率諸軍分道逼賊賊出鄱湖仍走九江是役賊銳甚城守三月賊中呼銅南昌江公能軍聲益大著公旣以和衷專任盡其力圖解

復盛推之楚軍於是大和論者謂公非江不能守江非公亦不能  
用也初向榮圍賊江甯奏設精臺南昌江路梗公乃請改設  
蘇杭兩省就近接濟方南昌各軍之雲集者數將三萬鹽糧屨  
屨支用不貲屬邑土寇乘亂蝟起徵解不前因請於閩廣解至  
大營軍餉截十餘萬劃抵本省墊解之數又借留應解雲貴銅  
鉛及兵餉銀三十餘萬以資發放公旣以城守敘勞開復處分  
出力員弁迭次優保最後以陳公子景謨論功擬請升階奉  
嚴旨切責具摺申奏望議革職四年正月卸巡撫事時王太夫  
人在養老矣公奉以歸而東南軍事方棘道梗乃由豫章趨浙  
舟抵玉山復不得前留滯數月至浙江渡錢江復僑紹興紹興  
有王太夫人親串在焉公喜得奉母處之怡然未逾年而

有不爲齋集卷四

五

朝旨起公赴皖北交和春福濟差委蓋是時福爲皖撫奏請也  
公依戀欲懇辭王太夫人促之行旣至廬而賊陷徽州浙大警  
浙撫何桂清復奏請以公總辦徽甯防務皖南內徽甯外池太  
而池太瀕江已爲賊據築蕪湖石壘爲巢屯東西梁山以扼江  
面時時入腹地擾徽甯以瞰浙前撫黃宗漢及桂清皆知徽甯  
爲浙西屏蔽然宗漢備禦嚴又賊方盡銳撲江西故無事至是  
賊大入嶺道員徐榮戰沒都司江長貴受重傷徽郡及歙休黟  
祁婺皆陷桂清乃遣道員石景芬率瀘上得勝之師會合提督  
鄧紹良赴救盡復城邑又遣臬司晏端書至徽總理善後旣而  
賊又大至黟休復陷郡城空虛晏退至街口保浙界浙中復震  
何乃急請公至徽公以五年五月初十日至徽時賊據休邑公

督景芬紹良及周天受紳士程葆之師會克之又復黟縣追賊出洋棧嶺復石埭遂令天受營崇覺寺以固藩籬而徽境稍安公乃招流亡輯士民除會匪訓鄉團練士卒設嶺防勸捐輸設釐卡半年兵食漸足民益和是年冬方將出嶺規復貴青銅建會合甯國之師以清江介而紹良長貴屢攻蕪壘不能克景芬又敗於青山六年三月賊酋石達開自江西之樂平德興景德鎮數道犯徽公令天受禦祁門而令徐慮善蘇式敬等禦婺源軍由休之浙嶺出而賊已由婺之五嶺入休甯令唐寶昌勇目吳曰富出禦皆敗賊迫屯溪離郡數十里公率親軍六十八出營七里亭招集散勇糾合團練天受率軍程葆率團皆至迎擊於篁墩邀擊於潛口賊大敗遁去而祁門之賊聞風亦遁是役

有不爲齋集卷四

六

也以數十罷兵禦猝至之寇以千餘敗軍擊方張之眾郡城危而復安無不服公膽勇公之始至也總辦徽甯兩防後以鄧紹良統甯防公乃僅統徽州地轉狹權益分又有議以皖南北中隔大江又隔賊皖撫在廬江督在常勢弗相及當歸浙轄侍郎沈兆霖請暫設皖南巡撫部議改安徽甯池太廣道爲皖南道加按察使銜特設皖南鎮總兵會銜奏事視臺灣特命石景芬爲道而以江長貴爲總兵不半年而景芬以剛愎爲浙撫劾去代以甯守鄧瀛而以公幕府顏培文權甯郡事賊之由徽出嶺也合犯甯郡時紹良爲向帥調去長貴方攻蕪嶺故太平涇縣相繼失並陷甯郡公以徽郡少安急遣天受等攻涇以圖復甯而廣信之賊又勾糊民犯徽八月長貴迎劓於婺源於休甯不

利受傷而還賊再逼郡城公復出七里亭連營拒戰急檄天受  
回援九月朔賊由巖市逼我營而陣隔半里築三壘相持公督  
周江兩將憑營苦戰連日不息賊百計撓我後路破王夢齡新  
營勢張甚公募死士令兩將一鼓敗之連戰五日賊勢始挫遂  
燒營由巖寺走據休甯諸軍踵之公適聞母喪雪涕誓師軍士  
哀奮再復休甯事定請假奔喪

諭俟軍務稍平及接替有人公抵徽至是一載有餘躬率諸軍  
更守迭戰生平惟以至誠動物在軍益矢忠赤與諸將相磨厲  
各出死力如臂使指故能轉敗爲勝冬天受自太平進克涇縣  
會同紹良復甯郡嶺內稍安始得至紹興奔喪居一月七年二  
月回防時桂清擢江督端書晉撫浙紹良專統甯防公乃分布

有不爲齋集卷四

七

天受扼崇覺寺張洪扼七都長貴紮漁亭師長鑣等駐太白中  
雲蔣廷選守浙嶺王恩榮扼祁門公自率余永椿蘇式敬等駐  
郡城與甯防諸軍聯絡一氣以備廣饒池太內窺之賊八年春  
以徽事稍紓復請假回籍葬親端書代奏擬以臬司徐宗幹代  
復蒙

諭暫留營乃命子師劬扶輓回陝維時鎮江旣復江甯合圍勢  
頗振江西漸清賊中又內亂  
朝廷漸倚重公屢進階公感泣益奮日望大兵會合徽甯各出  
師以取池太而石逆等以四月又從廣信圍衢州窺浙公聞警  
卽遣王恩榮江長貴羅成勳吳曰富王夢齡周天受等次第往  
援水陸齊赴屢報大捷遂保衢城及賊分道由處州犯金華又

飭天受馳援進桃花嶺失利唐寶昌等戰歿軍士不戢與民交  
訖時端書已上天受戰功加提督幫辦軍務而公嚴劾之天受  
不以為嫌戰益力江南大營亦遣天受之弟天培援浙遂清浙  
境天受又追賊至閩與總督慶端會剿閩境亦清是役也公以  
全力保浙餘力及閩事定端書上公功為保浙第一請賞戴花  
翎公不自以為功疏辭不許於是

朝廷益嚮用公已晉二品卿得專摺奏事矣已而鄧紹良禦賊  
灣汴陣亡甯防不固南陵守將米興朝暫防甯頗得軍心後易  
以鄭魁士時端書內召代以胡興仁胡驟至地勢軍情皆未悉  
以為浙餉既絀但宜自守無取月出十餘萬金以濟徽甯又不  
知守徽甯即守浙之義欲撤回防兵書浙為守故公所請不時

有不為齋集卷四

八

應公雖含容之而魁士氣剛不復忍始以函書詰責繼列款互

許

朝廷恐其僨事乃撤魁士而以天受代浙所派辦甯郡糧臺之  
道員許烺又與鄧瀛不相能瀛在甯久有賢聲不堪許之凌藉  
遂列款奏參

朝命桂清理其事解瀛職聽勸而代以福咸以孫觀代烺公雖  
奉總辦徽甯兩防之命而將領易置文武不和已形掣肘又徽  
營素仰浙月餉

朝廷忽改撥江西不時至至亦不足軍心回惑迨興仁引病歸  
代者羅遵殿皖之宿松人知地勢夙著忠勤公喜得同志方擬  
共濟而遽有七都之變繼以涇縣之敗徽甯潰而禍及浙浙援

急而禍及江甯大營潰名將亡而事不可爲矣七都者隸石埭與崇覺寺相犄角天受扼此內捍歛休黦外援涇旌太最形便天受移防甯代以米興朝未至而池蕪賊伺間突犯守將張洪死之賊遂肆擾太平之郭村宏潭而兵氣沮此九年冬事也十年春池蕪賊驟犯涇邑總兵王恩榮戰死楊名聲等敗還而兵氣又沮賊遂連陷涇縣太平旌德甯國績溪直撲郡城設營牌頭分股自佛子嶺橫衝而入公率長貴等出城東冒雨力戰降將張秦忠首先陷陣血流殷殷手斬渠帥諸軍繼之追數十里賊遂大奔棄所掠衣裘遍地以餌我秦忠竟以創重死賊旣不得志於徽乃由甯邑趨千秋關以入浙他股之陷廣德者由武康餘杭以圍杭浙撫告急公先遣陳炳元率兵往繼撤崇覺寺

有不爲齋集卷四

九

米興朝全軍配以袁國祥等水陸並進炳元入杭城戰死興朝至九龍頭敗退國祥至城下而賊已入杭撫藩道府皆殉難獨將軍瑞昌守滿營未陷巷戰數日而江南大營所遣張玉良冒張國樑旗幟以六人入城擊賊復杭城國祥等邀擊於城外大獲令江長貴蘇式敬復旌德涇縣藉楚軍蕭翰慶降軍韋志俊之勢以復石埭太平此四月以前事也公以杭城之陷咎由皖入自請治罪並瀝陳大局乞選重臣代領軍事於時王有齡爲浙撫才略開敏熟知皖南形勢夙倚重公可有爲而江甯大營已潰總統張公陣亡蘇常盡失局大變周天受所部精卒及健將吳再升周天孚劉仁福皆派赴江浙榮升等戰死公又遣江長貴援嘉興蕭翰慶援湖州而江西賊入浙據遂昌者又關入

徽之南鄉所留軍不敷分布求軍於江楚得吳坤修張金壁兩軍暫資防禦時大學士曾公國藩受

命總師已蒞皖駐祁門遣張運蘭援甯不急救池蕪諸賊萃攻甯八月初陷之天受與福咸培文及宣城令王乃晉皆死之時公督徽軍五載餘矣兵疲餉絀一再振刷事機轉棘又請自治曹革左副都御史再疏請曾公統皖軍復手書抵曾公陳狀請據實參劾而曾已先奏公清望素著惟不宜在軍請以李元度爲皖南道接辦徽防於是公得交防務以去越十五日而徽亦陷蓋易帥之際賊盡窺虛實土匪陷利及不逞者復道之乘間入叢山關由績溪直進舊軍解體而不力戰新軍昧地勢棄隘而居城故致敗徽素殷富多聚族居阻嶺爲固公因便設防嚴

有不爲齋集卷四

十一

守要隘門戶重疊卽有警得所隱避故不致喪貲以齋盜後人務反公法棄險守城民之廬業乃蕩盡雖數償不懲茲是以徽人思公愈久而不忘也公之始至城中虛無人以禮招徠數日漸集俾言事擇施之賢能者留用之館之幕府故民間事纖悉畢察勇目吳曰富以豪猾扞文網爲眾惡公察其任俠得眾可成一隊諭士民而振德之後得其死力李恆淞者積功至知府公以其粗材非民社略特奏改游擊所用皆前人舊部及各路雜遣之軍數百人爲隊聞警飛調朝發夕至故於守嶺爲宜令肅士戢民久益和將領以周江爲最著餘由走卒積功爲參鎮者數十人幕僚紳士材官武弁相從款洽如家人教導若子弟坦懷而莫敢欺之死而不忍去蓋忠誠足以感之而曠度有以

容之也犯令者參劾不少貸然亦以力參浙并及力保參將胡  
定國與浙撫意相失初至徽兵勇三千月餉不過二萬後增兵  
至二萬餘月需餉十餘萬浙餉月給三四萬不足則自籌先後  
勸徽捐至二百萬而人復樂輸不得已設卡抽釐茶鹽竹木棕  
漆之屬商賈雲集涇有巨紳某公座師也擁重貲膜視防務公  
特劾之忌者亦藉爲口實郡有花蠱會類閩粵花會久爲害戮  
首惡數人遂禁止公遭喪在營齊疏飭粥餽果餌者皆置之歲  
時遙祭哀感士眾終喪如一日已去軍遇曾公祁門知公貧餽  
以贖抵饒州杭州將軍瑞昌牒告已奏請令公督兵援浙公已  
解兵單舸首塗河南巡撫嚴樹森復奏請留辦豫省軍務公疏  
遵旨回籍

有不爲齋集卷四

十一

前旨回籍補行守制得

旨允行乃回涇陽本籍在皖時前後以克復城邑及援浙功賞  
六品頂戴五品頂戴遭喪留營奉

旨服闋以三品京堂補用在營服闋補通政使擢左副都御史  
公本以文學侍從遭遇

聖哲天性奮發平居黻然卑約自將當時多事猶以披堅執銳  
非所嘗習爲憾雖誠悃與人罔不感察之者獨至直言極論持  
是非功罪臨以禍福死生不稍懾且益壯賢者雖或過之而猶  
諒焉而時忌嫉之者已眾及歸關中時俗尤靡患氣頓興公以  
居鄉黨屈志抑心雖嘗一論列其泰甚然已非復曩昔巖峻方  
逆賊犯陝民團猶協官軍擊賊立功及回難作而大吏庸懦恆

欲苟且抵塞息事陝民積憤卒然輕動輒奉公虛名號召公處其間徒然智勇不得一施一旦挺身以投兇暴而豈不知人理練從者皆笑謝之油坊將及難羣醜雖集未敢遽犯也或請亟行公厲色曰吾之來豈跳兔哉卒年四十九時同治元年五月十三日也家以義門涇陽之難亦鮮自脫嘻其酷哉事聞奉旨照侍郎例從優賜卹伊子二品廕生張師劬賞給舉人一體會試並敕於陝西省城建立專祠後又疊准江西省城徽州府城一體建祠予諡文毅三年冬倉頭克復公子師劬覓得公忠骸殘骨數塊負歸歛葬陝撫劉蓉奏聞始詳述公死事情形疏略曰陝回構難張芾在籍奉

有不爲齋集卷四

三

旨幫辦團練防堵忿戰守之無權無人肯決大疑肩大任也思回雖兇頑豈無良莠欲曉以大義感以至誠輕騎簡從扶義而行詎意逆回包藏禍心遽由臨潼之油坊街擁至渭南之倉頭鎮該大臣猶反復開導冀其感悟而逆首任老五等大懼眾心悔悟乃要挾多端張芾自以身爲大臣義弗受辱坐地大罵目皆盡裂橫遭支解慘烈萬分觀其自倉頭遺書省城官紳愧不能感格梗頑俾桑梓獲安全之福唯當一死以報

國家而謝鄉人此其致命遂志之心蓋已確乎不可奪矣臣於倉頭左右居住遺老孤嫠詳悉訪查悉能言其死事情形不勝慘惻疏入奉

上諭故都察院左副都御史張芾秉性忠直敷歷中外見危授

命大節凜然著照所請將該故員事迹宣付史館並再於倉頭地方建立專祠其涇陽殉難家屬二品封典張蔭縣丞張師勛教諭張師濂從九品張茹張莊張師程生員張師銘張沐張師仲童生張師曾張師衡張師義張焜張澹張浩張洽張江張漢張清張源張汶張興甲張興庚張興善婦女王氏馬氏傅氏梁氏馬氏蔣氏常氏王氏蘇氏吳氏馮氏姚氏李氏劉氏苗氏章氏甘氏唐氏王氏強氏蓉姑紅姑盼姑穎姑月姑五十二名口忠烈一門尤堪嘉憫均著交部分別旌卹隨同殉難之臨潼令繆樹本山西未補令蔣若訥從孫張濤僕人王雙余榜並準附祀陝省專祠以彰節義欽此

有不爲齋集卷四

原能自得其神理文詞甚美而少所作寓玉山時爲冰谿吟一卷詩數十章大都哀悼死事諸人作也公配白夫人生師劬卒繼孔夫人衍聖公孔繁灝女弟子曰師勵殤夫人亦先卒師劬以廕官工部都水司郎中以軍功保舉知府分發河南子婦袁氏原任漕運總督項城袁端敏公甲三女孫師劬於同治三年月日奉公忠骸歸葬於涇陽妹聲馬平王拯門生常熟楊沂孫合狀

張文毅師軼事

夫子守贛垣江忠烈公將楚兵二千至鎮算卒也號獷悍難馭師推誠待之皆樂爲用中夜巡城與軍人相勞苦楚兵感奮皆曰公幸少休吾輩在此不懼也師撫之曰我特調度耳汝曹身

當鋒鏘實所憫也軍人曰吾儕人多可番易公一身繫全城幸  
惟自愛其得士卒心如此

逆攻南昌三以火攻毀城而三卻之最後五月二十三日城摧  
三十餘丈內外洞然賊奮呼直入諸軍且築且禦前傷踣後踐  
登屍骸土石拉雜閒錯乃獲全城

江甯汪月鉏

汝梅

癸丑在圍城中丙辰來吳述軍人語曰用人

知艱苦臨戰不悚慄惟張公一人

乙卯夏侍師於杭之吳山爲語衢州兵六百人守南昌時資爲  
軍鋒今者弋陽之敗傷亡殆盡痛哉越數日而衢卒中有孑遺  
者來見一千總二外委師適送塚至門見三人握手零涕若家  
人婦子者然塚心佩之知其能得人死力也

有不爲齋集卷四

古

吳山之寓

塚

居水陸宮師館延慶閣相去半里一日命

塚擬製

一文時賓客滿座漏三下矣

塚

獨坐後軒屬稿師未知也客散

見

塚

驚曰汝猶在此耶時文已脫稿師卽座爲點定數處乘日

相送至

塚

寓啜茗回無有知其爲開府者也

乙卯春賊陷徽州警報入杭大府閉門不出朔望行香皆廢杭  
人洵懼四月二十七日師至杭人歡相告曰張公來矣吾儕有  
生之望矣越數日鄧軍門紹良亦至杭人益大安旋聞師將赴  
皖南又戚然余告所知者曰守皖卽所以守杭也乃稍慰

師奉

命赴皖無兵無餉等皆爲之危師從容宴笑如無所事後從

偏裨中得江周二帥數年薦擢至大將二人亦爲盡死力其餉

則百計羅掘及故督何桂清督江南乃稍稍資之徽甯漸可守此亦何之一節可取也師在徽甯塚已奉母來京每寄一稟軍書旁午皆手自裁答不類師之於弟子也偶論江南軍務師許爲可卽言於江南諸帥其虛衷廣採如此

逆回之變師已殉國議者尙斷斷焉以爲昧垂堂之戒壽陽夫子獨曰公孤忠無助當事者陷之於必死之地張公不死於寇亦必死於讒口也甲子春同里方子興傑由秦入都細詢師殉難事陝之疆吏與士大夫皆交口推頌而陰實迫之出及出隨員望風星散行館中師惟與一倅一僕待賊至擁至倉頭師反復開諭之賊露刃相向有識者曰此張公也不可害而滇之叛回入陝者務欲陝回同叛乃甚之曰陝中文武不足畏害公則吾事集矣乃被害蓋隨員弁兵及叛回皆知疆吏與師休戚漠不相關故及於禍使師少自愴則以躁怯致變劾師者白簡踵至矣孤忠無助信然哀哉

張文毅公保徽事略

咸豐四年張文毅公巡撫江西固守有功緣事失職僑寓紹興潛居奉母中外大臣交章論薦遂有辦理徽池軍務之命是時皖南之賊築蕪湖石壘爲巢蔓延池郡而江右廣饒之匪方熾勢欲相連徽郡適當其衝嶺隘重疊村落殷富故受兵尤亟浙江大吏以皖南爲浙西藩籬徽甯爲入浙門戶故不分畛域遣兵濟餉力保徽甯先後令徐觀察榮石觀察景芬晏廉訪端書至徽經畫軍事猶恐未盡善也乃奏用公焉公以五年

五月十日至徽時賊據休甯郡城危岌公輕騎由昱嶺關馳至  
指揮諸軍併力進攻十日而休邑復遂攻黟驅賊出洋棧嶺又  
復嶺外之石埭令周天受築壘鎮守焉公以爲守徽當守嶺嶺  
防旣固民自乂安故首先以派兵守險爲務於是招集流亡諮  
諏紳士和輯將弁訓練士卒撫卹創夷誅赧奸隱護持善良設  
立釐卡勸諭捐輸數月而人心大定軍實漸振兵屢出而不擾  
財亟輸而無怨蓋始終五年之久悉心擘畫軍書旁午事至立  
辦精神貫澈未嘗稍懈將弁大小數百戰皆不惜身命以報而  
公之事瀕於危親身督陣以集大功者四次云六年三月江右  
之賊分爲二路由祁門婺源進逼郡城公倉卒率親軍數十人  
出城安營收集潰卒二日之間軍聲大振潛口一戰賊遂大潰

有不爲齋集卷四

六

郡城得安九月賊大股由黟休入郡公列營七里亭親督江周  
二將大戰五日斬賊無算賊遂驚遁郡城得安七年五月景德  
鎮之賊由祁休間道奄至幾難措手公分派諸將從容擊走郡  
城得安十年二月池郡之賊由涇旌太以陷績溪直逼郡東公  
出城督江鎮重慶戰二日乘大雨擊退郡城得安蓋徽郡四面  
受敵嶺路分歧不能禁賊之不至至而有以待之不能保城之  
不失失而旋卽復之不能必戰之不敗敗而有以持之所以四  
境之內耕者耕茶者茶商賈不變業庠序不廢學也他人治軍  
事者不理民事公則兼理之他人統武弁者不馭文員公則兼  
馭之其用人也推心置腹各盡所長經其指授由偏裨而爲大  
將如江長貴周天受等由幕府而任方面如蘇式敬張慶安等

甚眾他如吳曰富不理於鄉而特爲渝被李恆沁不嫻於文而改爲武職張泰忠唐仁廉自拔來歸而任以將領咸著忠節而建功名至於違令放縱自安者無不立按軍法雖有大功如周天受有過立加參劾不少假借是以將佐畏服莫不奉令惟謹八年八月江右廣信之賊由衢州趨金華浙省岌岌公則先派王恩榮等往援隨派江長貴往援又派周天受往援莫不授以成算而浙省獲安故晏中丞奏保浙之功以公爲第一也十年夏公部下勁旅悉調赴浙江乃留楚軍蕭翰慶及新降韋志俊之軍與江長貴相爲犄角以復涇旌太甯石諸邑數日之間各路克捷無不服其機謀之神捷也公戎事之暇又培植士林九年

有不爲齋集卷四

七

恩科特爲奏請借浙闡鄉試而學使邵公亦得舉行院試故皖南士人無不頌公之德也公之至孝出於天性在七里亭擊賊時太夫人凶問驟至以軍事方急不敢言去而哀感戰士轉益奮勉力攻休甯故數日而城復在疚不御酒肉有詒以蔬果味稍甘旨輒不食終喪而後復其初部下化之其有遭喪留營者衣服飲食不敢踰禮云公守徽始終五年餘以忠勤寢邀

文宗顯皇帝知任嘉公之功屢加顯擢九年冬以左副都御史督辦皖南軍務而時事日棘浙江不能給餉改撥江西而又不時至江南大營潰敗蘇常淪陷而甯郡被圍公之名將如江長貴等多赴蘇杭不能遽迴救致甯郡失事浙撫欲公至浙共辦浙事公以未奉朝命不肯行而奏請欽使曾公蒞皖南曾至

祁門而劾公去徽然公在徽一日則徽受一日之福公以軍務交李元度接辦留十日而後行行五日而徽陷民之死喪不可問無怪徽人之思公不置也

書張忠武公事

張忠武之屯

也一日薄暮與賓客部曲十八騎出試馬至

落星寺猝遇賊大隊四山黃旆與林木爭密眾皆失色公夷然曰我在何懼爲率眾下馬賊見官兵不敢遽逼而圍四合矣回顧歸路小橋已爲賊據公顧其養子副將楊某曰速歸營以五成隊來楊稍囁嚅公按劍叱曰汝自廣西從我至此今尙畏死耶怯則先斬汝楊不敢仰視卽躍馬突圍追橋機落槍發橋賊少卻馬隨聲出公顧其下曰無恐兵卽至矣上馬視賊陣厚處

有不爲齋集卷四

六

持滿遽衝之賊卻卽大呼陷陣追奔數里我眾大至復逐之賊大奔十數里有狡賊策其眾拒險日將入矣公曰不可追矣宜徐退乃按轡身自斷後十八騎無一失者遂還大營同里張小伊明府時爲公記室身在十七人之列者也爲子言

小伊又言庚申之變其始我軍自克九洲金陵已合圍矣時北岸多蜀將南路多粵將提督張玉良周天培皆蜀人也周以書抵張言粵將皆公鄉里我儕當盡忠力戰爲蜀將生色亦無大過也其書誤投於公爲幕中不文者誤其解郢書燕說公不能無矍然無害於大局也賊患圍合乃犯浙以分我兵力玉良假公麾幢以六人復杭州當時以爲不世奇功而賊瞰我兵之分也乃盡銳以突我後路由蕪湖當塗擾及高溧三月突陷句

容使我腹背受敵乃不得不撤圍師以護餉道江督何桂清駐常州不思進兵爲犄角乃下令曰自當以西非復我土聚餉六十萬兵萬餘畫地自守玉良自浙來和帥及公望其以勝兵夾擊丹陽句容之賊何刼之以守常重槁其師軍無前意江甯之兵遂不支旣退丹陽公以提督馮子材在鎮江有生力軍萬人欲聯之以規後效而提督王浚者時爲和帥翼長營從向忠武退師者也公屬以扼險結營攻守救應之略身赴鎮江和帥旣至丹陽四郊皆賊恇怯不知所爲嚴檄調公援丹陽至有漏刻少遲軍法從事之語公不敢違軍令乃星夜赴援親軍愛將多不及從血戰萬賊中者數日及抵丹陽營壘布置無一如法公知事不可爲呼浚而責數之已無濟矣乃相與力戰以殉王浚

有不爲齋集卷四

五

事兼採郭太史樂山說

公之始就撫於勞辛皆督部也吳甥仲銘廉訪粵西與公共事及乙卯至吳薦予猶子錫疇入公戎幕是年冬錫疇還嘉禾道吳子適在仲銘座上詢公近狀錫疇爲言他非所知有一事可敬向帥請安摺發回

文宗硃批有云向榮國樑爾安則朕安矣向以示公公奉摺九頓首慟哭曰張國樑何人乃荷

皇上聖恩如是粉身不足報也蓋公感恩報國之誼篤矣

公之料敵制勝一時諸將皆不能及而公忠體國屈已下人初至江甯與提督金玉貴並爲軍鋒不相能一日擊賊上方門賊已退踰溝全欲追之公曰賊有伏不可追也全哂曰何怯也亦

踰溝溝下伏賊猝起一矛鉤之踣數子叢擬之公繼踰溝力殺  
數人溝賊盡死退賊憑高視之全欲歸公曰此可追矣遽前突  
之兩人大呼殺賊賊驚靡蹈藉後騎亦至乃大勝全自此折服  
締爲生死交

向忠武初退丹陽公將別隊援金壇止大廟中餉不繼眾噪欲  
散公當門置胡牀坐謂曰汝曹欲反則殺我奪此門出任所之  
眾相顧不敢發亦不忍害之須臾定此事傳用霖爲子言

乙卯除夕遇江甯謝幼暉於吳門茶肆爲言公之復太平也將  
勝兵歸營值悍賊出撲上方橋營壘蓋偵知公之西上而盡銳  
擊虛期於必破也公抵營戰方酣顧其眾曰出賊不意且乘我  
遠來銳氣機不可失眾謹應卽建旆奮呼出賊相顧愕眙大創

有不爲齋集卷四

三

而去甫收隊向謂公曰江邊某營壘爲賊乘垂破矣非爾不能  
救然爾勞矣公奮然請行至則又敗之薄暮駐兵某門公顧其  
下曰去此數十里江邊有猴子洞賊出入捷徑也以少兵守之  
盍更乘其不備鏟之不憚勞者從我往眾又歡應至則又敗之  
蓋自太平至猴子洞二日之間二百里之內凡四處臨敵其忠  
勇迅速賊畏之若神數江南戰功者以是役爲首舉焉

公雖起家武弁而知大義且能愛民精力充溢諸將無出其右  
者戊午己未江甯挑浚長濠公與村氓父老殷勤慰勞以賊未  
滅深自引咎辨色而興丙夜未息飲食起居與麾下末校共甘  
苦故其親軍小隊萬人一心所向摧克是時

先帝以賊久不滅宵旰憂勞側席頗牧而和帥勦賊廬州深得

士民之心苟移和西上而以江南專屬之公金陵之克當不待  
甲子而朝土方以公爲降渠將信將疑故牽制跋扈以致於敗  
六合劉介臣爲予言公之援六也由奉向檄過江有他事適賊  
犯六合急公以王事不分畛域而至六人相慶更生以爲將軍  
從天而下也公始至卽語六人無恐盡開諸門團勇能戰者夾  
擊不能者觀戰或登陴若奔則必按軍法大出隨軍番銀先犒  
六勇歡聲若雷次日往南城外之龍津賊已掠龍池而進公語  
麾下曰賊來十里外乃告旣告又曰五里外乃告旣又曰二里  
內乃告比賊至六之人士與公坐者瞬息失公所在大恐然守  
公約不敢動接戰踰時一人自賊中出短衣握刀手二馘示六  
人眾駭視乃公也蓋賊之驍將公皆熟識此時不意公在六遂

有不爲齋集卷四

出不意取之賊旣敗退六有武舉夏之屏者頗驍桀敢深入公  
呼至前六人款公牢醴方設公右酌酒左持夏弟呼之曰好男  
子先拜盟後飲酒也時公已官提督矣其愛才下士如此遂舉  
未盡之賊付之與六人聯袂入城酌酒歡笑以俟其歸六人犒  
軍不足公神色無忤曰君輩固不料我之遽至也安所得多犒  
僕行矣補解大營可也卽日去  
甲寅秋賊自西鄉東犯秣陵鎮公由北關入街市諱言賊至奔  
洶若壞牆公與親軍數人息酒家飲食衍顧一將曰將我旗  
往西關好語賊曰爾張爺爺在也賊噤聲無敢入者公率輕騎  
百餘擊之大捷

公之爲偏裨也奉向檄過江琦善愛公材武欲留之啗以優擢

公以事向在前不忍棄之涕泣請行琦心曠之而無如何也後來張玉良爲何桂清所留援止而止安坐常州致覆全局人是薄玉良而多公之節概此一節與關公不事孟德趙雲不屬本初者何異

向忠武卒朝廷命將未至令江督怡良代總軍事怡固老謀深算者也知帥鉞終不屬虛與委蛇然軍計一以委公奏保李若珠李定太虎坤元周天培米興朝諸將軍氣赫然一新故以潰敗之餘不數月而我軍復逼城下壁壘旌旗視前轉勝皆公之力也

以下小伊所記

公之復太平也僅親兵捷勇九百是時皖逆大股方東下援江甯公乘黑夜分所部爲三隊深入賊中縱火焚營呼聲震天地

有不爲齋集卷四

三

沿江賊壘十餘座盡被燬天明再戰賊復奔公麾師躡其尾城不及閉遂奏捷鄉團助陣者遙望城上下皆立張字旗四路兜截是役斬首不下萬餘金陵大營自此無外援患翌日提督鄧紹良來守太平公還師次句容百姓焚香遮道拜以得公一面爲快翼長王浚同行策馬前進浚故多髯百姓望見滅燭息香卒俟公至而後已時公甫游升遊擊

公家素不豐然食指動以百計及貴後逢節寄家書必細詢鄉里親族雖一面交必分已清俸次第資助父老窮苦者尤加意以是公沒後囊空如昔

金陵南岸合圍後北岸沿江邑城亦次第規復惟九洲數年老巢橫亘江心驍將多沒於是賊上下游恃以無恐公方受降

浦口官軍皆背水爲營部署悉未定軍心惴惴忽李逆自廬鳳糾合悍賊由天長六合來犯洲中之賊并力衝突北軍不滿萬南軍亦無可調動僅賴艇師策應九里山一戰降賊內變官軍大潰幾迫於水公坐騎前後紅巾圍數重僅小隊廿餘騎持黑旗屹立不動敗軍抵江邊無一船向岸者自分必死遙望公旗相謂總統尙未退吾屬何患反身向賊所向披靡賊退十餘里公晝則出隊夜則巡營輪駐各處軍心遂定又半月九洲洲乃破

公長身鶴步疾行如飛部將無一能及者往往棄馬徒步指示要隘公已登絕巘諸將猶在半山惟前有飛虎旗二常爲公導一桂林戴公文英一賓州羅公玉貴皆位至總鎮死於難

有不爲齋集卷四

三

公嘗謂髮逆既滅擒逆回逆皆無慮當以靖外夷爲首着願僧邸全師衛畿輔足矣吾鄉人多習夷言識夷性我能以精兵趨上海焚其廬食其利操其舟直達香港澳門聚而殲之嗟乎公之心忠矣公之志勇矣公沒後更誰爲此言

先是總帥和與德不相能賊三次犯六合公數請於和限三日解圍爲南北唇齒計和堅不允迨揚州復失德帥退邵伯和懼上之問也乃發師公自鍾山營一晝夜馳抵仙鎮距揚城十八里中隔大河數道莫能飛渡公憂之方伯楊公能格力倡浮橋之議仙鎮木行一空竭兩日力橋竟成官軍鼓譟而進薄城下公率十八騎不兩刻繞城而過賊知援師大至六合尙死守遂宵遁公率輕騎追至陳家集偵知六合卽於是夜不守鄉民紛

紛逃出公知事不可爲惟仰天捶胸大哭值德帥進駐東溝遂  
還師當揚城未失之前和早如公所請則六合之圍迎刃而解  
而犄角之勢益固身居諸將上計不及此公血戰十餘年足以  
副副帝之知孚民之望而不能回將軍之惑其若之何鎮江既復全師逼江甯向帥時剿外援賊皆賴公故師少無慮  
公至金陵幫辦公至金陵幫辦又入入查文查文密書密書請請不不效效百百戰戰聞聞公公至至既  
命已下和具位而已勢難分身則專賴總兵虎坤元虎亦實足  
當公一臂公深重之自秣陵關失利虎陣沒戴羅亦相繼死公  
嘗謂南北合圍不難於克復而難於剿賊外援將官中無二能  
似虎者可奈何譚及數公歔歔流涕往往廢食嗣後大營之潰

有不爲齋集卷四

十四

張玉良擁兵不救皆如公言固不得不服公之神大營之潰  
浙江旋失旋復賊見張字旗疑公之從天下也玉良由是享盛  
名何桂清欲資玉良自屬尼其援江甯逆料和與公必死以玉  
良爲長城公抵鎮江不三日和又調來丹陽王浚部置皆不如  
法敗軍嗷嗷何又入宵人查文經言匿餉不放百姓聞公至丹  
陽賈易如平時東門之役浚與總兵熊天喜陷賊中公忿極遂  
過河黃旗蔽野競來向公和與許坐城上觀公一戰賊競退再  
戰逼賊營賊嘯聚土阜上見官兵不多且無援日已薄暮賊乃  
大至公策馬馬蹶顧所部僅十餘騎燃鎗鎗不發賊炮子如雨  
洞公腹遂薨此咸豐十年三月二十九日事也後有小隊逃出  
者持公致玉良書云我與君同姓無異昆仲我死不足惜願以

恢復金陵爲念毘陵爲蘇州門戶死不可失足下無掣肘之慮  
當易爲力至囑至囑嗚呼公死不旬日而蘇常瓦解矣玉良恃  
有復杭城之功棄蘇奔浙民幾不容苟延數載卒無一成地下  
相逢更不知對公作何語

李逆旣入丹陽傳令覓公尸用楠木棺具衣冠葬東門外塔之  
西後四年乃得歸葬於粵公柩抵粵東奉

諭該省督撫前往奠祭英夷聞之爲掛孝三日咸爲華人惜是  
歲余赴粵東抵香港親見之

有不爲齋集卷四

有不爲齋集卷五

江甯端木埰子疇著

嫻後學江甯邵嘉緝編訂  
世姪江甯夏慶紱重校

村居卽事

丙午

曉起納清氣開門開向東空潭明眼界平野豁心曾翠滴山椒  
露青搖木末風寒蟬知暖意猶噪亂林中

穿竹得幽逕山深嵐氣蒼石泉飛爽籟楓葉戰斜陽蕊晚一畦

綠稻肥千頃黃園丁猶未息抱甕汲方塘

向夕登高阜蒼蒼萬綠陰閒雲依樹影歸鳥向山心犬吠竹籬

短牛眠松塢深陂塘清淺處猶聽擣衣砧

加餐欣此夕風味愛村莊新稻晚初熟菜羹甘且香烹葵和曉

有不爲齋集卷五

露撲粟帶斜陽煮酒招鄰叟閒談耕織忙

萬綠松杉合幽蹊盡日行苔爲趺坐具烏聽讀書聲款數葉爭

落卧看雲自生不須從太上到此已忘情

路轉峯迴處蕭然別有村犬行隨餉楹牛卧傍柴門歲晚鷄豚

息樵歸童穉喧可知耕鑿利何以答天恩

夜坐食饊

末風寒職賦却意餘與論林中

荒燈明睽雞將號蓬窗夜坐觀離騷擁袍促坐不知倦忽有饑

火中燔燒檢點食簾笑懸磬鮭絕鯖盡空有饊饑來易食此語

信大嚼頗似東坡饗我聞劉郎詠重九舉筆不下慚詩豪又聞

李侯遇九烈飮盤列祭江之臬我今旅夜快一飽有味竟似燒

羊羔惜哉此品竟空啖安得侑以醅松醪不然一瓊霏綠雪勝

於搏食同兒曹倘遇伊川講禮法朵頤不節譏難逃忽然大笑  
得解說人生何必繩秋毫饑來則食渴則飲聖人詎與爲吹毛  
只笑世俗食以耳但擇市價餐其高方春競覓富春鮒未秋欲  
持江鄉螯窮極麇飢倦犀筋紛綸縷切鏗鸞刀先時後時殺無  
赦願執夏法如臬陶豈知當饑食乃旨不聞半李爭之糟卽今  
飽啖匪珍饌竟如炙剝餐脂膏惜哉不若劉晏餅五更袍袖溫  
馨包竊欲自比鄴侯芋十年宰相占其遭蕪亭麥飯滹沱粥宋  
玉炬救靈均糟人生但求果厥腹世界豈復爭喧囂意到詩成  
書滿紙累幅不惜抄胥勞書成大笑啟窗視寒星耿耿江滔滔  
明朝早飯挂帆去長吟擊楫岷江濤

朱家湖晚眺

丁未

有不爲齋集卷五

二

平湖春漲水汪洋一葉臨風暮色蒼遙指西南烟樹外夕陽紅  
處是家鄉

暮泊清江浦遇雨

向晚泊清江濃陰斂夕陽雨聲喧萬矢雲氣滂干櫓語雜迷方  
土潮生覺晚涼何人倚虛檻長笛引清商  
王營店見新月  
娟娟出雲漢靄靄映空碧纖纖初畫眉曖曖隱含魄一鈎麗晴  
霄千里共此夕照我高堂上倚閭計行迹照我山館中倚裝賦  
行役倚裝路漸遠倚閭頭漸白遠行千里程何以博悅懌飯罷  
悵無端荒燈對古壁一樣影微微兩地愁脈脈

東阿縣有西楚霸王墓

舊是田橫地今留項羽墳人心有公道天不死將軍故劍留遺  
憾豐碑慘暮雲咸原諸漢塚一例草紛紛  
苦水舖試茶

苦茗嘗來轉似昔苦中滋味有誰諳但將苦處眞嘗到自有冷  
冷一味甘

世論紛紛總失真有誰相賞出風塵惟將一勺留眞味不少臨  
涯試茗人  
弭盜歌

治盜無異策唯恃守令賢清風布惠政威德爲民天和甘旣感  
召教養爲惠鮮不幸有災祲催科先與捐荒政十有二法古無  
胥偏黠者指臂使悍者勇壯編重賞收豪猾嚴刑誅矯虔其餘

有不爲齋集卷五

三

老且羸喫啖資粥館使民畏且愛秀民誰敢然嗟哉今守令無  
不如賊焉剝民以媚上全神在禽緣又慮功令肅諱盜彌其愆  
又圖子孫福重典曲意蠲坐使萑苻寇駸駸滋蔓延我從江南  
來觀光向幽燕沿途重弭盜斥埃遙相連荒荒斷戍寂草草黃  
旗懸縱使果有濟已非籌萬全而況所置戍寂寂無人烟而況  
守戍卒病不能戈鋌書生薄行李雅不名一錢過征一何畏所  
畏民悁悁民志無復忌民生日已駭恐爲奸民資爲守將無權  
賢哉漢龔遂威惠相昭宣不見渤海民賣劍還耕田

雄縣夜發

荒雞四面促征驂雨霽微雲拂蔚藍夢醒客窗清似水故鄉遙  
在月西南

七月十二日雄縣道中懷梅溪兄無恙齋主人骨

感我勞行役思君正介眉欣茲初度日剛值早秋期慶托金萱  
蔭權承玉樹枝定知稱壽處芹藻佐金卮

三十七日清河道中寄粹庵姪風韻去更點墨坊戲于寒軒

玉粒佐金卮江南秋好時多勞賢者事無逸壽人資權笑承黃  
髮英華重白眉自慚蝸角競勞爾獨支持

送錢漸之游吳門辛亥

倉公越人呼不起臍腑含冤莫為理紅塵滾滾飛肩輿醫道淪  
胥今久矣錢君靜者無師傳道由神悟非言筌讀書養氣二十  
載靜中先自全其天燭照數計見癥結慨然救世扶危顛有時  
眾手袖如束刀圭一進先霍然有時眾口沸如釜屏退俗說鈞

有不為齋集卷五

其元在標在本一語決皎若明鏡虛堂懸惜乎任道不任術恥  
與庸妄爭摩肩當其平居不見疾斗酒自酬手一編羣兒昏昏  
恣嚼沓謬疑道薄身多閑豈知靜者妙道然乃心得他人治病  
但以口君特探源識消息昨者慈親苦嗽逆夜不能眠數昕夕  
君來饋藥乃有喜應手迴和病如失今來言別買扁舟擔簦欲  
作吳門遊把酒送君不忍別深談竟夕思攀留攀留無計征駒  
繫春風吹帆去何急膏盲無計避攻達料得蘇臺鬼夜泣蘇臺  
鬼泣蘇人樂快與吳儂慰饑渴願君速去更速還故鄉千家待

君活蘇臺鬼夜泣蘇臺鬼夜泣蘇臺

與西園兄緝菴姪步月塔下

涼夜靚如水松間踏明月風露碧無垠清輝沁人骨

自題畫扇

小結茱萸秋樹根  
柳搖霜氣冷  
山村行人若問江南路  
林外遠山青一痕

陰雲閣嫩涼  
陡覺蕉衫薄  
風過颭簾鉤  
秋蟲帶絲落

書所見

我行向村店  
下馬索飲茗  
村童兩三人  
隨母墾畦  
町歸來正朝  
食脫粟佐鮮脰  
一童垂五齡  
雛髮未覆頂  
揣腴奉向母  
意欲母先餉  
孩提有天性  
一鬢勝列鼎  
無所爲而爲  
至誠莫可並  
苟知其當然  
已居次一等  
慙余奉高堂  
未若彼中肯  
撫躬一深念  
惻然如夢醒  
卽此是前修  
何須論高迥

有不爲齋集卷五

五

洪武門懷古

雄城萬雉高峨峨  
巖巖截嶺巢鷹巢  
重圍複關壯形勢  
御街直對金鑾坡  
憶昔英雄起淮甸  
攻下采石踰江沱  
大開南邦建都邑  
山川磅礴相包羅  
築基前湖對天印  
後枕鍾阜前淮河  
左盤青龍右虎踞  
沿江山色環青螺  
文成相宅信國繕  
經營規畫踰蕭何  
周牆闢門十有二  
此其正路通南訛  
嚴關鐵牡紫禁直  
觚稜金甍青雲摩  
朱門將將準闌建  
白石皓皓瓊瑤磨  
南郊祈報肅躬祀  
鹵簿出入羣靈訶  
金根翠華拂城闕  
警蹕大鼓鳴秋鼙  
車騎襍沓從臣集  
鏗鏘劍佩交玉珂  
天子英明萬方畏  
臣工節儉同羔紇  
元勳懿親互相制  
奠安奚止同槃陀  
吁嗟作法自涼薄  
菹醢更比西京多  
誅夷籍沒日繼踵  
富民舊將愁煩苛  
禮樂

不興尙異教羣毘市井收么麼坐遣鷹鷂傅吳淖白帽勸進邪  
謀頗四海清平靖外難傷哉同室操干戈金川門啟舊內火蕭  
牆禍起天薦瘥縱有金城築萬仞其如骨肉生坎軻忠良焚炙  
元氣剝乘輿北返燕山阿運頽祚促自二祖淫刑斲喪于天和  
夜開通濟走蕪口此門永絕金輿過天祚

聖朝世忠厚以寬代虐除百疴孝陵尙置守塚戶度越萬古誰  
同科厲壇游魂久安妥月夜無復聞鬼哦故宮淒涼長荆棘古  
物蕪沒迷銅駝高城向秋氣黯黹西風颯颯吹女蘿南垣輦路  
久壘斷瓠甌剝落生青莎我來弔古竚惆悵滄桑俯仰興悲歌  
天寒日暮管鍵寂但見城頭古月舒金波

高筱山絕糧歎

有不爲齋集卷五

六

臣朔饑餓昌黎窮彭亨飽死多田翁異能奇技棄榛莽乞靈筆  
墨天無功金陵畸人高筱山少年意氣凌天關走邗渡胥不得  
志黃金盡散朋儕間武生刻竹技罕嗣君得其傳世無二鏤心  
鳥跡蝕蛛絲寸鐵如飛走騏驥黑貂裘傲歸來後幾載蹉跎雪  
盈首鑄鏡造物天心愁欲以奇窮速君朽湘纍呵壁愁問天贏  
者不借天垂憐祇恐清江萬修竹筠愁粉怨啼荒煙君不見未  
央古瓦建康輒當時棄擲誠愴然一朝復出珍貴等彝爵絕技  
安能老溝壑

放歌行答子屋

君不見蘇秦抵掌華屋垂六國相印腰纍纍又不見洛陽年少  
稱堯義絳灌側目投南夷丈夫處世貴操術必以詭遇求逢時

曹曹又過三千載骨月亦須從詭隨窺人所欣察所忌語未出口先謾欺和顏愉色下聲氣與世俯仰如韋脂聽於無聲視無形有如孝子趨庭幃不然動與萬物忤請君歸卧南山陘讀書來共君恨爲君扼腕傷君癡勝朝以來尙經義取士無復求英奇束以程朱數行字人無巧拙能摹追狼貪狐綏虺賜毒皆貌博帶峩冠儀淵源授受五百載情懂不測天何爲遭時得志長民社廉恥道喪居如屍升沈肥瘠避就諱子孫田宅金銀姬如是種種互起滅賢候髡已皤如絲豈無一二矢清白戚友唾罵胥徒訾積久亦化官亦大高牙大纛圍魃魍民生國計識何事祇以鞭撲鉤距爲先資農田水利更安問京兆五日行將離君與深言百世計杞憂漆歎非所知少陵野老萬間厦只以空

有不爲齋集卷五

七

言留篇詩當時若持告嚴武成都未必容留羈予窮於世亦已久近得善處心神怡南山之南北山北日與松篁泉石相娛嬉茫茫世事萬千態不聞不見不怒悲豈惟世上謝塵擾戶庭怪異俱睽違民生在勤厚載福否者召禍盈亦虧無情不學安可近同惡相濟如墟篋安危利災不可諫卽爲痛哭知無裨不如去去就所適性情尙借雲山頤二三同志各窮老晨夕侘傺愁寒饑天之生人有位置豈必局促如拘羈有才不用亦何益憂貧避謗凋英蕤知君近狀各抑鬱君所抑塞猶細微秋來淫霖壞隄堰豐沛河圯天災罹陸沈萬戶塵

聖慮廟堂旰食籌健菑先聖後聖揆則一願就姒后陳臣詞號召庚辰走童律伯翳綰鎖收支祈巨靈鼉鳳道大壑恒河沙石

神工治移山鞭石役萬怪黃龍夾軫羅旌旗雲房點石作黃白  
千鈞萬鎰如銖鎰東國哀磬拯鴻雁南荒綏靖羹鴟上慰  
宸衷溥慈惠下爲編戶蘇瘡痍區區秦淮一衣帶祇以餘力清  
其陂豎儒有志不可遂晴窗空自勤晤呬黃金百鎰不買賦表  
繚鄭紵誰相詒生門死鑰操市僧仍須化化倪倪低雙眉句讀  
之師不堪作斂鳳桺虎囊中錐腐臭朝朝饜壘粥酸風夜夜飄  
書唯心盲目瞽始稱職雲山不許巡園窺天祚田舍一朝貴脫  
如傲屣無猶疑不如逢時逐所尙狂藥首飲金留犁寄奴豪擲  
伯詔詔新磨曼倩工滑稽鷹視狼顧挾鷲忍投其喜怒相創夷  
閒隙不論遠與近家庭骨肉忍可推功成善刀藏不用依然便  
辟側媚言如飴君持此術往不利請挾吾目懸之陣君方沈酣

有不爲齋集卷五

八

攘雙袂反唇醉語來相譏以若所爲濟所欲功名富貴無艱危  
胡不先路道同志吾儕效法良非遲君如斯言我語塞心試欲  
學顏忸怩孔門有訓貴行恕己所不欲人勿施聽君盤桓自爲  
計明年賣畫來天禧松竹堂前動春酌舉酒百榼烹伏雌酒酣  
耳熱恣譁謔喝月倒行星斗稀吐舌萬里唾一世聽取世人欲  
殺爲恡犧吁嗟乎聽取世人欲殺爲恡犧吾儕不復能礎緇

讀阮鐵仙集題詞

王子

聖道在持世利濟無時忘孔孟富述作匪曰傳文章饑溺切已  
事道義爲之綱詩人亦斯旨立言味深長杜厦庇寒士白裘蓋  
洛陽文正讀書時憂樂榮哀腸無情而尙文突兀如枯楊格調  
卽高古性情非溫良立志但自了生民何所望阮君富篇什鉅

覲窮汪洋江鄉一貧老陋窮不自傷有時烽燧警憤惋辭激昂  
有時憫災禋告天求豐稷恥謀一身福願覩斯民康安得持此  
篇沐浴貢玉堂坐言而起行降德佐吾

皇  
新正十日卽事寄懷仲常

豪氣蓋天地縱游心胆開朝登北極閣夜嘯雨花臺俯堞觀棋  
局吞江當酒杯元宵風月好飛棹過江來

戲效五瓜五平體

夜雨曉未霽濕霧蓋四野啟牖縱遠目杳杳一雁下  
高樓當東曦窗虛涵空明爐煙霏幽香心如冰壺清

仲春望日與仲常奠岳忠武王

有不爲齋集卷五

九

我生十七年讀史慕忠武忽忽二十載涓埃愧無補晨書憤填  
膺中宵拔劍舞時會卽嬗代忠孝靡今古夷夏有大防蕭蘭不  
同處王靈赫在天必不祐醜虜蒼梧突封豨碧海潛鯢鯨元惡  
雖狂狂輿援富狐鼠愛錢怕死徒紛紛玷圭組衣鉢有真傳依  
然槍倭伍籲天佑吾

皇冥誅礪蕭斧盡穢欺君徒燎如伯益炬天人大懽喜王憤亦  
以抒耿耿持此心所如輒乖忤哆口誦遺徽俗儒笑且怒同志  
渺難違悲憤共誰語曼卿今古人激烈滿肝腑欲共南陽龍聲  
香奉祠宇純忠啟後裔桓桓譙郡許誕神值春晨金陀誦家譜  
瓣香祝英靈颯爽動風雨千秋復萬歲常爲正氣主

林文忠公畫像題詞爲孔東山作並柬胡子吉大令

卓犖韓荆州下士慕識面希文偉相業東坡恨未見方公撫三  
吳童牙首未弁側聞父老言所至各懽忭鏡燭魑魅窮春噓草  
木變愷澤沛雲雨英威走雷電純誠兼通材君信民亦便異類  
悉欽仰古人未能先箕尾一朝馭君民互相唁嗟予積誠素何  
從覲邦彥孔君今長康傳神妙技擅展冊覲天人鬚眉燁燁現  
爲語寫眞時鈴轅晝清燕房闈絕姬侍几案祇書卷朱提手絨  
贈愛才靡貴賤傾聆極神往瞻拜復悽戀君今渡江去恨不共  
襍硯神君霍山宰風聲肅花縣有初貴克終樂善在不倦爲予  
祝故人勉旃附同傳

感憤

楚氛千里動煙塵三載戈鋌不見春豈有棠陰垂赤縣翻教草

有不爲齋集卷五

十一

澤起黃巾貲郎畢竟慙循吏瘠土何曾盡秀民日費萬金虛牝  
擲憂勞何以慰

楓宸

宣防百萬委泥沙滿眼哀鴻祇自嗟黃犢幾人還樂業白蓮何  
處不藏邪推埋近接徐邳境奸俠遙連薛卞家早晚虹隄先奏  
績中原千里復桑麻

豕突狼奔勢益張才聞桂嶺又衡陽烽煙絡繹連章貢羽檄紛  
紜達建康疆吏誰爲老子范將才還憶伯安王撫綏更祝多循  
吏眾志猶能作保障

欲挽銀河淨九垓求賢先望築燕臺須憐結綵梁興義莫羨談  
兵趙括才英國早年惟曠悍岳侯成算在招徠太平邊帥知何

益山澤尤須大將才  
餉細兵疲勢漸窮願持一語告羣公象鼻鞍馬常臨陣光弼韉  
刀但矢忠聚米山川千里斷投醪甘苦萬夫同潢池盜弄成何  
事早晚凌煙策戰功

十一月十四夜偕仲常步月由賽虹橋至芙蓉山寺

清遊不覺路迢迢宿霧空濛久漸消村犬吠霜聲四應漁燈照  
水影雙搖荒臺人坐月親近遠寺鐘來山寂寥寄語滿城塵夢  
客忍耽酣睡負良宵

十五夜燭遊東仲常

良朋赴芳筵獨夜縱清賞循河先向東寒月涌雲上崎嶇踐墟  
墓荒翳撥榛莽靈怪各屏息鬼語聞山響但聞松濤聲陰翠灑

有不爲齋集卷五

十一

泱泱荒煙羃萬井金鐙盪千丈俯仰一憑眺胸懷際天爽

六月初九日作

癸丑

聖人降生日四海慶天壽吾鄉獨罹厄羣生未在省宛轉湯火  
深流離痛閔邁雄城陷五月糜爛恣狂寇大帥久頓兵逍遙在  
清書環城十餘壁遷延未能救

天子子萬民至仁禹湯又深宮厪南顧捷書久未奏乾元罷宴  
賀罪已答天咎元老荷渥恩何以答高厚式遙救斯民好生乃

天佑

山行東西園記

寒山氣蕭索松陰轉蒼翠人行萬綠中清香襲衣袂彎環青嶂  
深玲瓏白雲翳何當步明月來此林中憇涼光洗翠濤清氣滿

天地當侯時太平結茆向岩際式好有同心泉石共遊戲敢言  
鸞鶴羣且與俗緣避

燈節村居祀祖禮成有作

兵戈迫野處荒村逢履端當賴先澤祐骨肉猶團樂平居謹禮  
祀歲首羅辛盤芳醴泛金波粉餈潔霜丸茲晨一何率時勢遭  
艱難村醪奉杯斝肅拜無衣冠禴祭如西隣雖菲禮亦完非曰  
祈福祚非曰美聽觀有舉莫敢廢禮行心乃安所悲墟墓遠松  
楸懼摧殘時危

國事棘獨居興浩歎豈無逢時才負緣捷飛拚咄嗟致富厚慙  
汗摧心肝小子安蠢愚菽水謀承歡夙聞教忠訓未敢慙清寒  
聽鄉農語喜作

有不爲齋集卷五

三

荒村無見聞短檠獨夜坐鄉農卧相語入耳爲顏破切齒寇亂  
深傾心

國恩大聖仁屬

皇清君王未有過天視聽自民卽此見悔禍安得告

九重敬愼答天佐人心幸尙固一起將士懦

書感

爾在母懷抱飲食恃母乳漸能行與言分甘繞鄰舞衣食之所  
安一向母索取而今幸成立居然作家主辭采冒文彥貨殖擅  
良賈縱當時艱難猶可足解臚而況垂白年能食幾區脯而況  
烽煙近徼幸僅完聚非蔬奉高堂魚腥啖兒女我見大傷心衝  
冠鬱悲怒欲持報施論怵以後嗣忤易暴復以暴語悖不可吐

大書向素壁俾爾喪心糶慈烏猶反哺虎狼知有父已往不可  
諫未來尙望補天良各不昧錫類慕前古不見孔璋檄一覽頭  
風愈

方貢三畫古柏

方壺先生夜不懌晨窗鬱勃寫孤栢點葉紛如風雨來拓根快  
似巨靈擘須臾晴軒景氣變陰翠森森灑瑤席驚濤晚震霜天  
高猶雷書抉陰崖若若非湘山深處移定是孔明廟前植奇芳  
古黛出縑素細草織花奪神魄雙雙鸚鵡爾何知能向喬柯覓  
安宅託身得地異棘枳俊鶻蒼鷹皆歛翮靈谷千年挺孤秀延  
生益壽勝金石周君掣取作帳楣夜夜酣眠樂無數翠雪森森  
快暑夜碧凜交橫宜月夕嗟今世上苦烽火劫燒妖氛互青赤

有不爲齋集卷五

三

安得移家幽壑中喬林古木徑荒僻苔深太古無人踪皓月孤  
烟夜岩碧美蔭團欒極天際大芘萬家與塵隔栢兮栢兮爾卽  
不作棟樑終棄擲亦當使千家萬家被爾澤

次韻酬信南見贈

時危靡安處移居此深谷賢主過縣宰依棲託喬木經營授館  
祭念我生計蹙才非南陽龍學愧東魯伏何以副高誼相關踰  
骨以侍養幸康娛舉家祝君福

次韻和信南自感

豪氣凌青霞冲襟納虛谷風月與光霽雲雨絕翻復晨炊汲山  
泉夜飯煮溪蕪時艱未可爲相期結茆屋

曉起

曉起萬籟寂晨光方熹微青松沐朝霧斜月留清暉  
簾櫳潤花氣風露侵人衣自向碧山側聽泉坐忘機  
晚眺

晚霞散朱碧炊烟互蒼翠臨眺陟平岡蟬聲息還沸涼月上松  
頂清風動衣袂結隣此山中蕭然遠塵事  
七月初一日作

村居日悠忽歲序條已秋明河夜耿耿大火方西流階庭積餘  
暑鬱熱猶逗迢曉夜漸清涼爽氣澹不收月明松翠陰露重山  
綠稠淒颼時一至蟋蟀鳴啾啾獨夜坐階除寂寞生羈愁兵戈  
紛未息流離滿道周漸近風霜晨未有衣食謀山村幸豐稔水  
田方泳遊欣聞重兵集計日殲梟鷁勁旅萃鐵騎材技收善泗  
陸探虎狼穴水鑿鯨鯢舟滅寇在朝夕我民無盡劉所望山村  
毗偕作修戈矛兵民貴合力固宇勤綢繆

有不爲齋集卷五

古

聖人下恩詔懋賞懸重酬俱爲士女計豈翳干城求厲縣未諳  
謚勞苦安可休欲爲家室營當先天下憂及茲幸未遲努力歌  
同仇

讀陸宣公奏議

聖道維濟時王政必師古雜霸無本原陋儒曩陳腐體用必兼  
備君子乃有取唐運在中葉天人蓄怨怒窮兵浚禍源聚斂築  
怨府侃侃陸宣公忘身殉君父律已邁夷憲致君必堯禹散財  
始得人安民以尊主奉天所下詔讀者淚如雨用能艱危中感  
激遍九土其言苟盡用貞觀可再覩惜哉禍少紓忠直復見忤

今茲寇亂深虞沸半區宇

天子本仁聖志氣亦英武左右惜無人安得公作輔上爲君啟  
沃下陳民疾苦整綱勵秋肅施澤沛春煦摧破潢池寇伐菌礪  
蕭斧荒村展遺編悲憤滿肝腑明良不相值異代慕申甫安得  
獻黼座庶幾袞職補

秋感

夜久羣動息一菴咽還語疏燈氣清涼蕭然照環堵故人渺天  
未烽烟迫離處未知分手後播遷復何許高風響楸梧寒閨急  
砧杵秋聲滿墟墟落驚心感節序擁衾悄無眠淒其獨羈旅幾日  
消氣靈言歸復我所

秋夜述懷

有不爲齋集卷五

五

弱冠負英氣雅不好戲劇俗學厭揣摩孤懷鬱忠赤東坡與岳  
侯銘勳在胸膈自謂士尙志不憂世俗厄遭時在承平憂危獨  
不憚仰見金紫流占缺問肥瘠俯視同學生嗜利罔推擇廉恥  
久蒙昧經猷靡宏碩廿七遭夷亂烽烟警海舶裔和欺  
先皇包羞愧重譁憤惋誰與陳井蛙笑狂癡斧柯未在手寤言  
空標擗折節還讀書乃學宮錦格自謂致青雲翊贊矢精白天  
池浩無垠飛騰九鎩翮旣壯貢京師交遊見通籍知己數公輔  
私望作巨奩

聖人新嗣位萬方仰英赫獻箴擬蘊古譔論師賈策具稿未得  
上無門達前席歸來視咳養忽忽成棄擲去年烽火遍全家走  
鄉僻初投元山陲賢主幸安宅逾年寇益張東走容南場播遷

未有定饑寒漸交迫上奉垂白親甘旨缺膺腊下念諸昆姪萍  
飄各遠適咄咄中夜起慷慨孤影隻伊始禍亂起善謀可辟易  
狂寇甫陷城大軍躡其跡向寵真將軍桓桓險要扼當其初至  
日豺虎已虺魄眾志如成城聲援互相藉守望同鄉井偕作修  
矛戟西鄙十萬家直扼新亭驛南鄙十萬家進奪兩花柵如牆  
翼文錯搏巢奮李愬兵民合一體凶渠計日磔忠言夢誰省自  
謀渺寸尺鄉豪靡朱郭簪纓雜夷蹠恣睢矚高明瑣屑絃金帛  
坐失此機會孤軍獨持益翻使釜底魂狂妄走豺獠四郊復多  
壘自謀殊乖刺萬畝方有秋束手飽貪鄙私心互坐視動色畏  
啊嚇不知自悔咎翻欲君相責書契生民來禍亂在簡冊艷妻  
滅周燎牝晨致殷索唐傾荔支騎宋敗花石役皆由君昏淫致

有不爲齋集卷五

六

民遭毒螫今則民無良積穢久熏炙浩劫啟兵燹憂危累  
英辟奉天入關來

七聖布醮澤今

皇更仁聖兢業方無斁去年十一月

詔旨何詳核罪已迴天怒捐租念民瘼俱爲士女計無復金帛  
惜生時值此晨受恩當思繹報稱竭頂踵投足思順逆設遇朱  
明時一例付屠伯助戚肆菹醢富民陷刑辟高天與厚地俯仰  
多跼踖亦將奉法禁安能走蠻貊今遊醜化中生養歷二百何  
爲值主憂膜視如路陌積憤不可舒夜坐靡安簣秋霖暗浙漚  
落葉動蕭槭村龙吹深巷巷語咽通夕浩歌對青燈誓欲訴空

碧籬

天佑吾  
天祐吾

皇俾民悔往昔一志互援救利君亦自益草野有遺賢披沙待

蒐摘世苟得楨榦我亦甘棄斥時會不可失世亂亦云極安能

起往哲一作補天石

秋山

青松間紅葉石罅冷飛泉斜照入幽樹翠陰涼處眠

秋水

葭蒼蠶語亂沙白雁初飛蟹火映清月幽人夜未歸

秋寺

落葉布黃金松香澄道心間階對修竹疏磬入烟深

秋齋

繞砌暗蒼語飛軒明月光清風颭簾影時送秋花香

送秦子雲入都

昔年弱冠時共君遊泮水勤勤徐君侯愛才罕倫比相期躡雲

路培植過桃李爾來十八載悠悠愧知己君行募程朱造次必

以禮雖遲飛騰願持躬粹若砥余懷契蘇辛倜儻慕英偉究心

經世術絕少逢時技自謂遭

聖世欲以功名起小節任出入因之積瑕滓歷年久無成於口

大不理中庸罪狂狷父老厭踣跣安知我心痲憂天方類杞綰

紳寡忠讜鬻序昧廉恥幸沐醲化中無復慮傾否同志二三友

私憂互切齒吾言不幸中大劫倏戾止衣冠化蟲沙鄉井墮塵

壘嗟哉故交遊劫灰半生死君幸脫羅網靈光獨崔歸今聞向

有不為齋集卷五

畿輔遠涉易水涘丈夫樂壯遊胡爲久居此惜別誠心悲相送  
轉色喜金鰲頂上行家聲繼簪履得志入承明楓宸筆載理長  
持不苟念允矣作良史此去長安道載訪鳴珂里爲余念故人  
眼食近何似或問我近狀困厄君所視去年避兵出幸不飽封  
豕轉徙至今晨漂流托鄉鄙蕭條行色瘁拮据呼庚癸欲爲負  
米出倚閭念陟屺將作浮家計吹簫向吳市長途急資斧告貸  
慚歷抵仰面向財虜數喚不一唯又恥苟富貴蠅營逐鞭弭今  
茲從戎客言念羞比擬飛揚逐聲氣叨竊幸朱紫兵事不可爲  
率由此輩耳君往入京師爲余告青士藉口達祁奚入對

聖天子天禍已將悔民窮罔所底日來附逆徒脅從盡良邦兵  
民昧合力鄉閭靡攸恃賊乃肆呵喝驅策恣鞭筆悉以當鋒銳

有不爲齋集卷五

六

動輒數蓓莖多殺傷天和元氣被瘡痍用兵於吾民

先皇曾痛是深宮急修德回天道在邇聞捷更哀矜約已戒驕  
侈慘急罷捐納綜核振綱紀一家視天下俾民頌樂只

皇仁可感神建極乃錫祉氛祲化祥和允紹

先聖美欲君愷切言我方望且跂憂樂以天下利見自此始

黃鞠

九日氣翳惡青山倦登臨獨行籬落間野鞠舒英森孤葉映黃  
花玲瓏鑄精金世無陶彭澤誰爲爾知音采采言歸來瓦釜貯  
水深可以伴岑寂可以比素心世上有同好紅紫爭妖淫枝柯  
更束縛桎梏不可禁安知眞士品不與時浮沈幽芳自怡悅冷

豔誰能尋自知時尙殊儵然空山林

山行  
金盞秋風三春

秋光靜山郭曲路入幽境看雲一身閒聽泉兩耳冷霜新紅樹  
妍籬深綠水靜高風撼林柯落葉滿衣領獨坐倚磐石蕭然萬  
念屏雖非息轍地勞生憩俄頃

登吳山有懷楊柳門

曉霧被江皋濕雲滃烟樹極目送東流君帆在何處

文君

一曲瑤琴去不回文君端合號憐才風塵我亦倦遊客滿眼王

孫空自哀

昭君

慷慨長辭出紫宸紅顏此去靜邊塵須求絕世丹青手寫並麒

有不爲齋集卷五

九

麟閣上人

班姬

昭陽姊妹競承恩紈扇秋風寫淚痕尙有綠衣風烈在黃金羞

學買長門

文姬

十八胡笳迸淚彈偏從絕域慶生還千金肯贖中郎後風義人

間重老瞞

新正月初五

慈壽日喜晴有作

乙卯

晴陽耀絲旭碧宇生清輝高風捲宿霧薄寒侵書幃芳蘭得春  
氣郁郁含幽馥萬象各欣榮予懷樂瞻依華燈照北堂舞袖芬

萊衣願祝金萱枝永如三春暉

讀書貴心得不在羅珍奇六經載聖訓受自兒童時躬行服道  
義玩味耽文詞此味乃真古且能與今宜覃精苟有得餉飮無  
窮期嗟哉俗儒做所好惟毛皮蠶叢聚金石辨析矜毫釐縱令  
記誦博祇隨風會移其於古人意概乎無聞知爾爲饑驅苦不  
復能下帷當於經訓中擇善爲行持從其性所好服膺恆念茲  
內爲性情助外作言行維達乃功業資窮亦心神怡聖訓有涵  
養終於世俗違勿學小丈夫瑄屑爭刀錐縱能盜時名茲心不  
可欺茲心不可欺胡以欺世爲

秀水謁楊忠烈公祠

公爲秀水城隍神

神宗末造君臣荒陰邪蔓衍生蕭牆趙張方沈遞秉政政府無

有不爲齋集卷五

三

復江陵張七鬯徵律未改屬官掖禍心猶包藏紅丸竟酬梃擊  
願垂簾遂欲同初唐大臣不言小臣奮忠憤慷慨情激昂叱咤  
貂璫責鈞軸危言大義何煌煌宮門六日坐擁護肝胆碎裂鬚  
眉蒼手探虞淵奪白日中天再返羲輪光天位既定肅宸極移  
宮退辟安椒房此時善敗在呼吸稍縱卽逝難徬徨韓琦捲簾  
定大策彪之朝服當階堂助者只一左滄嶼劉周拱手從班行  
君安臣危禍已種豈待逆監相中傷歸田兩載積憂憤念念顧  
命思巖廊二十四罪折凶燄奏議直接椒山楊葉韓兩相苟有  
識如公盡力謀必滅青蒲伏爭悟昏主空頭勅付屏遠方詎令  
奸兇至窮極茄花委鬼紛披猖庸臣誤國在畏蕙遂致詔獄殲  
膺滂太微白氣動天象黃芝隕落忠臣殃六七君子雖共命公

其最忌深膏旨內奸外宄互切齒慘掠至毒彪虎狂公惟從容  
順天命雷霆雨露歸吾皇不以刑賞予奄寺大義凜烈森清霜  
何難自仰楊震藥亦可遠效張儉亡權宜辟就非順受尙欲尸  
諫回君王下報先皇臣事畢身殉顧命无愆忘從此大義白天  
下是非順逆明昭彰五人發憤緹騎死邪謀沮喪心胆恇烈皇  
帝乃典刑正褒封祭葬崇忠良幼讀公書慕公烈手錄奏議陳  
馨香今來辟地託公宇恪瞻廟貌神洋洋願公錫福佑茲土烽  
烟不警年歲穰羈人旅食仗神佑令我萱壽長綏康

煙雨樓示同遊李僕廷

府鸞

畫樓虛做俯清漣與客登臨一暢然青靄書沈晴似雨綠波春  
漲水如煙侵晨花逕客攜酒薄莫柳陰人趁舩料得湖山猶望

有不爲齋集卷五

三

幸

宸遊悅豫想當年

有不爲齋集卷五終

丹徒吳佑曾初校

丹徒何長慶覆校

有不爲齋集卷六

江甯端木埰子疇著

嫻後學江甯鄧嘉緝編訂  
世姪江甯夏慶紱  
外孫溧水朱紹亭重校

梅花詩二十六首

宋張功甫列花宜稱二十六品有題無詩客窗少事爲補之

天教潤氣養珠胎不放晴陽儘力催微霰欲成冰玉粟曉雲和  
夢度瑤臺波搖淨影覺寒重月讓清光遲夜來商略雨腸渾未  
定冷吟先自倒香醅

淡雲

瞳瞳曉日蕩氛埃宿霧千林捲盡開卧雪幽人朝夢醒和羹上  
相早朝回高枝得氣凌雲上煖意烘春入幙來愛極不嫌霜逕  
滑披裘花下幾徘徊

曉日

有不爲齋集卷六

瓊英照水雪盈枝爲怯風威客過遲清極那知霜氣重坐深微  
覺月光移本來標格無寒相不借暄妍逞艷姿絮帽披雲烟步  
幃天心護惜最相宜

薄寒

俗塵原不沈冰姿細雨無聲恰及時恩澤不勞鳩喚得芳華可  
惜蝶來遲霏微潤入諸根淨肅霖春先歇并知獨對小庭天欲  
暝濛濛已喜綠苔滋

細雨

輕煙暖暖入村墟恰稱瓊苞綻蕾初清淺水涵春漲後黃昏月  
上晚炊餘巡檐客去留香篆點額人來隔綺疏痾癖由來除未  
得花陰相共度徐徐

輕烟

皓采清暉迴絕塵碧天如水碾冰輪玉人何處遠聲遠仙鶴自  
眠琴語清記否種來如此夜欲將修到問前身空山寂莫萬緣

歇獨共涼蟾領略真佳月

空山日暮轉依依，  
眷戀孤芳怕暫違。  
幾杵晚鐘黃月近，  
一林清露翠禽歸。  
短籬修竹餘殘照，  
老屋荒苔剩落暉。  
最是幽人心賞處，  
滿簾花氣晚風微。夕陽

門掩荒村眼色闌，  
長空雪意正漫漫。  
斷橋漸欲見行跡，  
淺水遙知增暮寒。  
瓊樹未愁迷影亂，  
玉人應怯卷幃看。  
翻因冷處精神出，  
漫說巡檐索笑難。微雪

餘霞散綺照清川，  
一抹燕支最可憐。  
綈袂風姿翻綉爛，  
紅羅亭榭倍鮮妍。  
帶人春色夕陽外，  
映客酡顏村店前。  
絕艷驚才信如許，  
何曾清白汗癯仙。晚霞

破寂真堪慰索居，  
枝頭小鳥鎮相呼。  
霜禽往往窺琴榻，  
翠羽雙雙伴酒壚。  
侔色應招雪衣女，  
採芳不許玉腰奴。  
俗工粉本真成噉，  
競寫芻尼共畫圖。珍禽

有不爲齋集卷六

二

芳園共守舞翩躚，  
一樣孤標淡俗緣。  
羽客風流稱閣冷，  
逋翁眷屬總神仙。  
小庭半畝月初下，  
清唳一聲人未眠。  
似向諸天報春早，  
九霄舒嘯澈雲邊。孤鶴

半畝清溪碧似羅，  
鄰鄰一片浸瓊柯。  
香浮曲沼文成篆，  
影照晴漪鏡乍磨。  
澗底客來塵夢洗，  
水邊花得月明多。  
畫工不及天然趣，  
粉本還宜著意撫。清溪

溪迴棹轉繫孤篷，  
雁齒橋平映水紅。  
竹篔簹寒泉香暗度，  
石梁流水路斜通。  
虹腰境接林亭外，  
驢背詩成風雪中。  
殘凍未融防滑澗，  
扶持更欲覓村童。小橋

娟娟修竹翠干竿，屈曲柴門覓逕難。結友本來求辟俗，無言自倚不知寒。一枝斜出丰神好，數點還宜掩映看。好向孤山結仙眷，此君居處共平安。竹邊

古松千尺碧雲沈，合共梅花作賞音。求友總無浮艷客，結交都有歲寒心。龍吟夜月出香海，鶴辟清霜依綠陰。翠蔭芳情互醺答，不知冰雪世間深。松下

斗室留香靜掩關，膽瓶位置小窗間。韻參書味終朝對，香和爐熏盡日間。一樣清光借明月，幾回幽夢到孤山。茶鐺茗椀無塵事，何必蓬瀛證舊斑。明窗

捕棘編籬界綠陰，不教埃壒暫相侵。龍身帶雪離塵遠，鹿眼分畦取路深。開逕有香先透鼻，寄人無俗亦甘心。一從冷落黃花後，老圃重來直至今。疏籬

有不爲齋集卷六

三

後老圃重來直至今。疏籬  
位置天然自葆真，蒼崖碧嶂總嶙峋。岩高恰稱凌雲性，山靜常留太古春。青對峯巒添窈窕，翠隣松竹轉精神。雪封斷岫烟迷逕，未要人間過訪頻。蒼崖

小院苔痕雨後新，淨無可唾稱幽人。濃皴老幹都成韻，細襯飛英不染塵。野徑度籬青印屐，遙岑分坐碧如茵。近來東閣無人掃，綠上空階色未勻。綠苔

塵中那合貯冰姿，位置還求秦漢遺。清供何堪襍金玉，古香真可並尊羹。雲雷半蝕苔花字，冰雪初分玉樹枝。更有博山飄細篆，不求相伴入時宜。銅瓶

爲愁雪虐與風饕，紙帳空明稱息勞。臥雪丰裁林下重，占魁聲

價浴陽高光搖剡水分清影夢入羅浮借濁醪愛日烘晴如雪  
亮此中相對遠塵囂

紙帳

飄飄清韻出林端長笛何人正倚欄譜按龍吟春欲語吹回鶴  
夢夜將闕落英滿地古香冷明月半空纖指寒他日江城漫惆  
悵高樓虛徹俯晴澗

林間吹笛

索笑巡檐未忍離橫琴何必遽彈絲孤芳自解無絃趣逸興還  
如矧月時疏影暗香成絕調高山流水寄相思有時更奏瀟湘  
曲雲水蒼茫接九疑

滕上橫琴

石枰相對坐莓苔且却詩魔罷酒杯花月情深消晝永冰霜却  
過喜春回敲殘冷玉瑣琮落坐覺繁英次第開一局未終殘照  
下翠禽相伴莫相猜

石枰下棋

### 有不爲齋集卷六

四

龍團新碾碧雲英掃雪還宜石鼎烹要使寒香沁肝腑旋炊活  
火聽瓶笙春風小閣茶烟馥落日平臺花氣清記否深宵還當  
酒小窗疏影月三更

掃雪烹茶

煙鬟淺掠髮堆鴉合戴春風第一花姑射神人似冰雪九疑仙  
子謝鉛華縞衣日暮梨雲膩翠袖天寒竹影斜冷韻幽香許同  
調清姿一樣玉無瑕

美人淡粧

### 遊獅子林

林間如畫

昔聞獅林勝心神已醉我昨年過金閨欲遊復未果茲辰少休  
暇奮往策吾情入門涉晴虹清溪綠澹沱奇峯撲面起層層積  
磊砢矗如解籜篁飄如五雲朵縹緲入畫圖玲瓏化堆梁探穴  
循盤陘覓徑陟硤磈蛇蟠一道宜蟻穿九曲瑣積潦稱著屐窺

巖欲持火對面肩將摩尋蹤足似裹將前條復却趨右乃愈左  
如往竟成復思升轉從墮真仙遊亦迷凡夫測誠巨靈境休難  
至幽探再三可僮奴且目笑翻言讓塵堞愈微茲構奇未許俗  
目寄苔階翠茵潤藤花紫霞鞞安得同心人來共石間坐

石門舟夜

煙翠織如屏柔橈夜未停亂螢分樹碧遠火入波青舟子夜炊  
熟漁莊涼夢醒蒼茫動曙色篷底識殘星  
送張筱浦師移防皖江敬賦五百字  
十載登龍門感恩復知已自惟樛櫟材培植過桃李春明昔請  
業提命示遵軌相期箭雲路相待踰國士旋持章江節不獲隨  
劍履揭來五寒暑鬱鬱守鄉里往年計從遊江頭棹方橫楚氛

有不爲齋集卷六

五

遽東迫欲行乃復止請纓悵無路憂時空拊髀建康復淪陷飄  
零數遷徙幸不投網羅漸難給甘旨浮家入茗浙吹簫類吳市  
欣聞襜帷臨近在越江浹拜謁稽山下慈顏雜悲喜蕭條憫生  
計殷勤念食指清問等詢芻狂言怨憂杞我公今韓范經緯足  
休否往者豫章守屹如金城峙挾纊撫三軍登陴固百雉用才  
收指臂感人入心髓甘苦共士卒賞罰立綱紀功成口不言眾  
喙任譽毀天心有權衡暫蹶已復起初屬淮西節旋

詔扼皖水

宸衷塵東南資作中流砥威名賊所憚親兵貴有恃武襄昔南  
征聲望龍蠻鄙昭陵特垂戒左右慎密邇瞻言荷恩私計欲從  
鞭弭敢云帷幄參竊欲寢膳視祇緣將毋切傍徨念陟屺惇惇

鮮兄弟待養屬孤子常恐方寸亂芻秣盡虛糜未敢援古人絕  
裾遠奉使薦賢以自代圖報或藉是我公亦不罪錫類重倫理  
翻爲念鳥私授粲代耕籽所慮區誦空將詒瓶壘恥德音雖親  
承枯魚不及俟今當送行旌陳情託詩矢古人重知我尙欲所  
生比矧茲教育恩眞堪高厚擬蛇珠報隨侯雀環酬楊氏異類  
尙抒誠私心愧且泚竚望檠戟臨計日殄封豕羣帥悉忠勇三  
方互角倚宣勞固封圻酬庸晉端揆莫安極蒼生動勤照青史  
蹇蹇策匪躬隆隆錫福祉永荷天子恩榮名葆終始

冷泉亭

清泉蓄巖巖終古蓄淵靜青厓隔塵埃蒼松蔽日影涼夜納微  
月光涵素魄炯奇石森衙列闔如怪獸猛石亭鎖泉扃幽翠割

有不爲齋集卷六

六

半嶺汲水烹苦薺坐令凡慮屏悠然試一啣心如此泉冷  
夜起有懷仲常子璫漸之

涼月透雲出幽暉入檐廡推窗納清氣譙樓正四鼓秋蒼咽涼  
露啣啣繞庭宇獨坐羣動息秋思闐誰語眷懷同心人山川道  
伊阻何時更相從互剖相思苦

夢仲常來同謁岳王祠

生平重交游磨切在道義許侯我師資敬愛越儔類別來垂三  
載每飯念不置昨夜秋月明吟詩憶往事詩成引枕卧君果入  
夢寐握手大歡樂問君何由至君言苦相憶兼爲負米計自我  
來西浙落落寡所契惟此秀水湄鄴侯舊所治桓桓忠武王效  
慕夙同志有廟在西郭君宜往瞻拜攜手式遄往共伸敬愛意

更作十日留秋波泛晴翠出處更細商艱苦交相懣方共適吳  
門宛轉效助飲銅然遠鐘動遽遽破殘睡離愁愈展觸怒焉心  
如醉古人有神交千里可相值樂天夢元九卽夜得緘寄恐君  
大江上秋風動離思書札遠相詒精誠通兩地皇路方憂虞乾  
坤未清闕世亂仗忠憤時危資勇智各循分所守兼酬學所嗜  
跼勉師古人無俾往哲棄踪跡雖遠隔性情靡歧異終當見傾  
否重逢亦良易敢效兒女情空酒相思淚廣君亦自廣書成莫  
由致蕭蕭四壁葦似伴離人噉

嘉興城外縱步

秋光極空淨爽氣澄青天縱步南城隈仄逕緣清川孤花生野  
香紅碧紛幽妍垂楊暖墟落靜綠含炊煙籬根小橋接樹杪歸

有不爲齋集卷六

七

帆懸一樽酌清興坐送斜陽偏感此惜佳日未忍空齋眼

遊天平山

有雲巖始深無石山不峭嵯峨天平山嶙峋極眾妙雲分上中  
下以石作奧突初地猶平夷山泉一勺灑攝衣爭層巔不辭同  
行誚延緣入峪呀蹴踏穿罅窳蛇盤百步嶮蟻穿九曲窳奇峰  
向人落幽隨屏月照巉巖絕梯攀古洞禁語笑豁然到絕頂空  
曠極遠眺汪洋俯太湖清暉浴晴曜七十二峯巒羅羅四環繞  
絕頂渺人跡靈境擬蓬嶠安能步明月來此赴仙召定有笙鶴  
聲凌虛蒼長嘯

范文正公祠

後樂先憂出至誠名臣經濟本儒生眞教世味同羹粥自許期

藏富甲兵冠蓋有人追步武寰區何日不昇平崇祠拜謁瞻遺像爲想高風百世清

一德君臣際會難羣賢相萃慶彈冠空談尙欲羞濂洛偉績真堪匹富韓樽斂遺風鄉里化睦姻餘澤子孫完豐碑照耀留

天藻報德烝嘗永不刊

晚發三塔灣

嘉興府西門外

一棹入寒水征途前渺茫煙篁捎暮靄風葉戰斜陽疏樹得鴉密遠天隨雁長傲裘猶未贖買醉敵清霜

乙卯月當頭夜

生平愛明月況此當頭夕纖雲浣已盡寒空皎澄碧溶溶嵌明鏡浩翠發光澤開軒納清暉涼色沁几席一年止此夜分陰足

有不爲齋集卷六

八

珍惜自非風雨晦未忍聽虛擲有時聚朋簪觥籌交履烏有時做書幃獨夜弄虛白有時向空山盤桓傍松石此境宜靜對生性稱孤僻空庭悄無人萬籟一時寂崢嶸已卒歲漂流尙作客俯仰望天宇低徊念今昔今昔此明月應知我心跡

張師筠變承詩集題詞

詩以理性情故爲興觀資煌煌二百篇大義先倫彝李杜與韓白此旨猶未漓後來失真意琢鍊矜文詞縱復格調高其如忠孝衰昨讀寫心集深入人心脾抒寫發性靈孺慕常依依采薇與陟屺風格復見茲願持告采風以爲世教維

神靜得超雋養粹臻和平功深萃眾美調逸涵孤清當其興所至情文互相生格調與家數俱非念所櫻醞釀旣已久乃謝一

體名願告操觚家先自儲其精真氣所磅礴萬象歸權衡不見  
茲編中彬彬集大成

征夫歎

去年赴浙西赤日冒燠熱今年來潤州芒屨躡冰雪饑腸不宿  
飽手足多皸裂丈夫矢報

國從軍豈安悅所歎道路疲未得入虎穴千里待徵調謀慮一  
何拙兵來寇已退援集餉又缺勢急主客猜備偏藩籬撤中夏  
有氛祲事異遠方孽驅齊半良民裏誘遂無別所貴牧令賢成  
城眾志結清野以堅壁實力拒飄警我宇果能固彼欲將日折  
不見棠邑侯金湯屹如鐵

伐木謠

有不爲齋集卷六

九

伐木何丁丁東村復西村借問伐者誰來自官軍屯官軍駐近  
野樵蘇徧邱樊山林淨如濯宰樹悲無存鄉鄙各飲泣太息相  
與言伐木何足道近事多煩冤南鄰有村婦負去行酒樽北陌  
誰家子胥篋亡其元居者與行者盼盼聲暗吞我聞岳忠武駐  
兵無爭喧居民開戶待罔敢入其門今茲非其時赫赫將軍尊  
語罷各歛獻自憐生不辰不恨官軍擾不恨斬伐頻但恨滔天  
寇不得安邱園黽勉詔子弟同仇助官軍寇盡兵自去重荷

天子恩

鄉大夫

噫嘻鄉大夫袞袞簪纓徒讀書致科第非賤亦非愚大亂正雲  
擾練勇保鄉隅其人本隣里所宜甘苦俱恩信有深入乃能厲

刑誅賞罰有必信乃能捍艱虞何緣自尊大叱使紛如奴衣食  
自安樂醉飽窮歡娛既無忠義激又不忍信孚此輩豈足責側  
目滿路衢一朝風鶴近先導隨狼狽曩者安樂計適以亡其軀  
公私頃交徹括削爭錙銖大帥所將兵僅足扼要區備多憂力  
分調頻傷馬瘡宇縣有分地所賴聯鄉圖豈曰爲

君國亦以全妻孥紛紛未有悟瓊瑣何其愚目見與耳聞差強  
惟三吳痛心誰與言蒼天不可呼長歌欲當哭阮籍方窮途  
悔爲儒

時亂失恆業俱無產可守大駟竊圭組小吏拖印綬其餘力作  
民肩販餉其口哀哉惟腐儒控告罔所走力耕不任鉏析薪不  
克負百里奔鮑叔款門日落後鮮衣愧臧獲欲語面先忸幸而

有不爲齋集卷六

十

荷周急數日給糧煨轉盼又懸釜交謫聽諸婦丈夫貴廉恥乞  
食安可久誓心對陳編甘以溝壑朽

夢子匡

時泊舟三江營

荒江獨夜泊風濤撼天地忽夢同心人眷眷復相值死別三四  
年未嘗入夢寐九地不可呼自謂永余棄安知魂魄通宛若平  
生意豈繫新鬼多泉下復悲恚又將遊人間落拓訪同志不然  
憫窮途謂余極憔悴竭來相勞苦箴言遠相遺憶昨癸丑春鄉  
間賊氛熾君如稍緩死唱和共聲氣東鄰十萬家守望飭戎備  
聲威互相藉可以佐將帥今已失良時師老財亦匱四鄉多創  
夷田閭半破碎夢中互腕挽咨嗟掩涕淚痛深倏復覺孤檠冷  
布被春星浴寒流斜月耿欲墜惆悵仰天宇傷哉身世事

楊村夜泊

碧樹籠輕陰，征帆落前浦。野水青茫茫，疏星浸二五。

天津旅泊聞土人言癸丑擊賊事感賦

我行向京國，言過淀水湄。維舟問里俗，兼咨全城時。細民二三輩，爲子述往事。縣官素廉能，民心互維繫。一朝烽火迫，比閭奮忠義。眾志聯成城，家自爲戰備。前驅五六十一戰，却醜類饋食走翁媪。往觀雜童穉，豈繫俗好鬪。深感守土惠，惜哉功業高。反中大帥忌，驅使當前鋒。後隊罔援繼，坐使愷悌侯致命。遂其志，居民懷舊德，馨香肅禋祀。山河賴以存，井里賴以治。永承奉明神，悲歌頌誰嗣。我聞父老言，慨歎不能置。方今被寇區，豈盡賊鋒銳。上下久乖睽，了無休戚誼。一旦有風鶴，何以救倉卒。安得

有不爲齊集卷六

十一

百謝侯徧爲守土吏

九日訪萬柳堂懷古

幽僻城隅路荒騰，取逕斜昔年思種柳。今日證拈花老樹空塵劫，危樓傍水涯。秋燈一龕靜，誰識相公家。萬綠今何處，頽垣禿樹餘。曉煙猶帶溼，秋影不勝梳。積潦鷗波竭，荒榛鶴逕墟。風流惜張緒，相對鎮愁余。

廉氏園非昔，馮公跡亦沈。寒蔬畦曠古，井輓轆深。藤蔓青連宇，苔花綠被岑。蕊芻猶不俗，抱甕息機心。古跡傷蕪沒，來遊一悵然。英多才代出，宏獎意誰傳。坐使蘭亭廢，空令梓澤湮。幸留

天藻麗昭倬映林泉

慈仁寺

古刹負西郭漸與軒蓋遠入門罕塵事松陰覆滿院蒼龍蟠雲  
下翠蓋拂闌偃頗似古名臣參天效忠蹇功成慕謙抑似恐滿  
招損側想清宵中煙空露華晚涼月照深翠清影互蜿蜒餐香  
得禪悅拾菌共僧飯安得此盤桓中宵樂忘返

我愛藏雲洞幽軒俯叢竹虛室靜生白皎潔貯冰玉經時罕人  
至風枝入牖綠落葉悄無聲秋窗晶晴旭萬籟一頃歇清境冷  
心骨何當抱琴書來向此間宿寒月照清影天地益蕭肅側想  
留題人况瘁尙戎服翻恐軍中夜幽夢亦遊囑幾日休練卒歡  
然舊遊續辦香禮金仙敬爲南豐祝

藏雲洞額曾滌生師所書

苾芻擁篲掃頗無煙火氣導我觀奇跡壁書極環異又瞻大士

有不爲齋集卷六

三

像靈變出陶埴幽谿共遊步枝柯互蒙翳衣衫襲松香襟袖染  
篁翠爲語此盤桓其人率高致鄴侯卧衡陽希文隱山寺古來  
大英苦往往耽幽邃澹緣乃勵節清心方練智旨哉山林趣功  
德不思議

答丁子晉

壽徵

同年

葵心傾太陽物微意自伸鷹鷂逐烏雀秉性終難馴

探

也少讀

書嘗慕古名臣三復蘇陸編抗懷韓岳倫自謂苟遇合翊贊裨

皇仁不然禦魑魅效命江海澹此志竟蹉跎忽忽三十春南中

昔告潰辟難多苦辛轉側兵間來三年聞見真崎嶇入京華遠

奉垂白親豈求肥厥家豈求榮厥身上念我

后聖下傷生民逆伏

闕雖無緣下問或有人方今事勢急興言憂厝薪安能復委蛇  
默默常轍循涓埃苟有益敢辭要路噴涓埃縱無益甘蒙唾棄  
頻感君忠告言篤念菽水貧勉爲守口訓良言堪書紳知君愛  
甚攀知君誼尤滄生逢

堯舜君未忍初心泯禍福無常機窮達由逢辰時宜孰能合終  
老甘風塵

雪

曉起寒特甚朝暾澹無色披襟視窗隙皎潔奪目力飄風散輕  
花迴野開淨域清聲松竹寮冷夢梅花國泛棹欲起興騎驢遠  
相憶決勝下淮蔡殲遺淨虬騰對景樂無窮都忘歲事逼

春明將母度歲粗給烟甫同年軫其貧之以詩見寬吟此奉訓

有不爲齋集卷六

七

並呈潤臣閣讀

時亂失恆業故里猶烽煙幸酬將母心避地能安全長安珠桂  
地敢求多得錢況乃生性拙未善學負緣饑寒本其分菽水皆  
驩然二三金石交推解相周旋旨甘幸粗給祀享能吉蠲茲焉  
已過望快心對殘編多君遠垂詢勞苦詒詩篇幸垂責善詞示  
我當韋弦

生平道義交眷戀共休戚定山昔告潰至今苦鋒鏑許詢亦奉  
親音問久沈寂葛城及湯泉蹂躪多壘壁城邑蕩兵火村居變  
瓦礫未知同心人侍養今誰適縱能脫虎口滄瀛安所覓夜臥  
衾猶溫晨炊米尙浙安能分吾餘少與潤釜鬲徬徨重徬徨南

雲渺難覓

懷許仲常

人古今再獲意與言

往事無復言空言靡成事名歸實未酬愈以滅吾志楚漢報清  
肅江東戰亦利顧爲釜底魂芟夷似可冀太白何煌煌光形與  
恆異冬來少雨雪望歲積恐惴饑寒資草竊殺戮釀灾戾近者  
潁豫間流氛患孔熾一身安足言時艱日益至皎皎星月光中  
宵不能寐

讀春圃師餽飮亭詩集

華鐘靡纖響威鳳無凡聲元氣鼓太和鏗鏘振成英我師今范  
韓匪以文字名至性所磅礴實大斯聲宏燦燦經濟光疊疊忠  
孝情稱心以爲言修辭立其誠專門有不及允矣集大成  
沉寤有淵源衣鉢遞授受巍巍當塗公文壇頌山斗夫子得真  
傳風流繼其後一代大手筆賡唱互師友想見清籟中同被

有不爲齋集卷六

丙

湛恩厚卽今私淑士累若半朝右誰分一瓣香繼作補天手  
詩以理情性其道通理治大臣謀國心觸處有深意輅車半區  
夏憂樂天下事對揚思啟沃採風識情僞沃壤籌民依邊隅念  
武備朋儕有贈荅剴切爲思議密勿語不傳卽此見忠誼一卷  
邠風詩黽勉望同志

未學竊竽濫禱昧藪知識願持耿耿心慷慨思報國早歲荷獎  
進期作搏風翼今幸侍門牆得蒙教誨力三復誦公詩盡懷見  
悻悻願佩教忠訓永爲事君式

顧亭林先生祠

火運當衰歇儒風亦可悲紛爭尙門戶醉夢祇酣嬉獨擅千秋  
業勤思萬卷披通經能致用論學足匡時足跡半天下胸襟懷

日知傷心家國禍抗志聖賢思燕市曾流腐祇園息旅羈風流  
懷古處英爽動今茲東魯家脩肅南陽世教持綢繆新棟宇位  
置古尊爨共懍浮華誠兼於禱祓宜椒馨從拜奠景仰重師資  
次韻荅仲璠和伯音四首

春半苦相憶開緘舒遠懷論詩通蕙檢覓句想蕭齋高致近今  
少雅吟賓主偕花開望歸騎何事感天涯

交情摯李杜詩格美陰何世亂悲歌易家貧感慨多識從憂患  
鍊才借困窮磨共勵松篁操延緣謝薦蘿

豪氣千觚酒豪情一卷書不求時尙合終見古懷舒才藝珍三  
絕清狂戒六如平生互期許清禁肅簪裾

回首龍門歲星霜閱幾秋金砂時共束岩榦喜同搜愧乏驚人  
句空墮下里謳蓬萊終共到莫怯海風道

有不爲齋集卷六

慈壽徵詩有引

生慈倪太孺人蘇州吳縣人年十七歸我先農部公爲筓室  
歸十三年而先府君棄養塚年甫九齡太孺人內嚴教養外支

家事迄今垂三十二年勞苦拮据有非常情所能堪者太孺人  
旣不欲得旌塚不才又不得祿仕博一命以爲榮親謹撰次生

平艱苦之境繪爲四圖求當代文章鉅公錫之琬章借文不朽  
曷勝欣感

寒閨夜課

十歲就外傳誦讀粗及程歸來課所業靜夜依短檠慈親屢先  
德常恐兒無成中宵警頑惰聲淚恆交并寒閨月三五梅影橫

孤清下帷課夜讀伴以刀尺聲欲兒似梅花清白含芳英窮達  
非所知要無忝所生  
村舍教忠  
昔在壬寅年島夷犯建康避地奉板輿暫適西南鄉當道有知  
好欲延主奏章內顧戀膳寢去留殊徬徨老親知此意從容訓  
義方兒能禦魑魅勿欺報吾  
皇忠主以爲孝何爲戀高堂不然慎所與無爲竊寵光慄此識  
用舍書紳無敢忘

戒請旌典

慈親有夙戒從一婦道宜生人不幸事何庸矜炫爲綽楔表門  
閭愈益增吾悲昔兩赴京國牽裾送臨歧首爲申此訓逆吾非  
孝思但當慎取友勿爲時尙移其次勤讀書勉爲國材儀俾時  
頌賢母顯揚乃在茲不見陶與歐策名千古垂何嘗藉旌典照  
耀光門楣

蘇臺訪墓

粵在甲寅歲避寇下姑蘇我母垂涕言故家楓江隅渭陽祚衰  
薄松楸亦堪虞伊昔禁探訪常恐家法渝茲來近里門謹將奠  
生芻承志數詢求老屋留荒區故老盡淪落碑碣埋榛蕪冥搜  
向村嫗短衣從臺輿踰年始得之蔓草沈黃墟亟歸告阿母拜  
掃提壺盧慈顏襍悲喜俯仰累歎吁爲言童穉時履跡多糝糊  
永懷罔極恩重泉不可呼汝今雖困窮尙欲親心娛努力求飛  
騰祿養苟有餘重來更封樹庶以酬勤劬

我讀戰國書論世爲深悲聖教日以泯萬喙騰支離逢迎苟當  
貴縱橫皆傾危非聖首莊老構難維秦儀千百存什一已足傷  
民彘使其書盡傳千古無治時秦星火雖烈罪大功亦奇著書  
害世道不焚將何爲

唐運昔中否再造惟汾陽治軍雖稍寬生民得綏康豈有良家  
子逼充媵妄行潭潭上相府兵衝羅紀綱詎恃一犬獠尸爲  
周防往讀紅綃傳蘧言殊可傷豈惟蠟帷薄更欲誣忠良蚍蜉  
亦撼樹未識何衷腸

立國靡強弱禮法爲綱維綱維一以裂萬事皆墮隳主臣若傳  
舍衣冠成淪夷我觀世說篇太息案百欵元談遞祖尙浮誕不  
自持濫觴從老莊其流乃至斯推原所由來當鑒季漢時黨錮  
起清議密網同時懼因之慕頽放絕口鋪糟糲因噎遂廢食世  
教爲之衰不聞聖人訓言遜行自危

有不爲齋集卷六

七

夷吾霸東海功大器則小諸葛佐西蜀治法近王道樂生輔燕  
國易世功不成諸葛相昭烈嗣主識忠誠猗嗟彼二子詎足南  
陽比乃聞侯生平祇以二子擬我讀三國書論世想其故共主  
不復戴國仇罔肯顧管子能尊王樂毅能復仇我侯以是比忠  
義時無儔所以相昭烈魚水深相投雄師塵六出大義昭千秋  
讀陸放翁詩

士當語全體不以一省棄尤當察心術不以形跡累我讀劍南  
詩忠憤塞胸次纏綿憂國心慷慨復仇義使其得大用廟算佐

宏濟縱非宗李儻豈愧張呂輩晚作南園記遂得罪清議平原  
忠獻後雪恥亦壯志如以成敗論盍觀魏公事富平及苻離喪  
失亦何異公以義相取匪勉爲臣誼安能據一文視若美新類  
鏡湖老草廬蔬布嘗不繼不聞開禧後因韓苟富貴論世堪知  
人因言以見志三復拜遺編共下英雄淚

春夜

春夜靜無譁春庭月已斜爲貧疏酒盞妨讀厭燈花錯迕傷時  
事低回感物華故鄉烽未息音問渺天涯

荅顧菽民

五月十四日

昨夜天無雲好月惠相照虛窗獨夜坐清輝沁毛竅乾坤有清  
氣相餉不用召讀君遺我言蕭然正同調倘爲摩登攝恐被常

有不爲齋集卷六

六

娥笑寄語王仲宣須求靜中妙

五月十七日作

獨對空檐送月陰一杯濁酒感難禁爭知燕婉方求偶翻說蛾  
眉獨善淫寸草依暉留剩馥落花辭樹抱春心才人別有千秋  
業淨掃烟霾返舊林

讀張筱圃師來書有感

皖南一隅地四面交狼貙公爲無米炊土作徒手呼養兵必資  
餉尺寸皆灾區用之累億秭取之難鎔銖委任少不詳騰謗譁  
天衢我朝二百年聖仁被寰區矧茲宣歙間袞袞多名儒苟能  
自敵愾何用養武夫苟能自給食何用脰膏腴下安上以樂眾  
志聯爲郭願公捍禦暇簡賢膺銅符屯練合爲一兵食交相需

有警脩戈矛無事勤耰鋤家守人自戰不復聞追遁遙度未敢  
信是否言非迂知已方在難恨不身執及况乃事主義不惜捐  
微軀寶劍礪純鉤長纓結纒胡何當渡江來爲公效前驅  
送劉炯甫同年出宰湟中

湟中界關隴地近古邠國周室此開基民生重力穡歌詩至七  
月纏綿思舊德儒術飾經法教養循古式庶幾召杜風與民共  
休息

在晉張士彥忠盡懷遠猷遭時值多故自請牧涼州後來數勤  
王忠勳冠羣侯君爲邑令去方面非所謀要當激民義無忘歌  
同仇

治理靡今古治術與時變要惟協時宜陳言不敢薦皎如明鏡  
有不爲齋集卷六

无

懸萬象豈能眩文字雖風雅耽玩百事倦大雅不嫌俗幸無結  
習戀

被服美儒素蕭然無宦情安知富貴迫衝炎賦西征  
國恩已云重矧乃膺時名把酒屬臨歧淡文如弟兄努力報  
君父以爲吾黨榮

聽臚潤臣招飲一首

知己一尊共天涯同此情蕭條感秋氣慷慨望時平京國多豪  
彥鄉園半甲兵微名何足羨所志在澄清

仲秋既望坐慈仁寺

空齋萬籟息寂坐對殘照卷幔延竹光幽翠婉欲笑老衲契佛  
性講論得其要不愛近熱客閒冷有同調丈室聯清談高岡縱

遠眺悠然一聲鐘空曠契衆妙  
慰簞邨同年喪偶  
時艱已云極况復痛黔婁天地多秋色  
妻孥亦贅疣載吟莫楚  
句非數鼓盆謳從此無牽挂閒雲自去留  
井白情原切糟糠誼亦深房帷憶遺挂簷月斷清砧尙有英雄  
志須排兒女心看營齋莫意終勝白頭吟  
贈潤臣酒請展蕭圖歸期

借書還書各一瓶古事可法不我欺讀騷况復雅人致事與痛  
飲尤相宜二十年來慕此本蕭郎圖書何缺寄牢籠萬怪寫孤  
憤筆底颯颯悲風隨洞庭明月楚山雨瀟湘蘭芷沅江薜雄虹  
彩旌肅車駕芙蓉綠桂羅旌旗幽陵古廟闌鬼火丹青黯淡森  
有不爲齋集卷六

魑魍靈均悲歎出扼下千秋興寄相攀追區湖畫師老念亂遭  
時不偶如湘壘意所難道托楮墨引爲同調舒其悲荒江古木  
冷秋雨老淚和墨紛淋漓寒燈相對不忍讀感天欲問今何時  
荊州許借佩高誼趙璧未返增忸怩一尊先報且送質當頭明  
月爲歸期

侍御有欲陳請明年恩科者旣不得言謹賦此詩

春氣新萬象重觀文運昌壽考期作人岡陵祝吾皇此亦臣  
子誼匪曰政體妨顧惟今日事急務茲未遑兵氣黯南服楚帥  
新敗亡江北與淮南處處愁沸塘寇志未有厭窺覬方鳴張佐  
以中原盜備多兵不强未能全力注刻期收建康似宜分緩急  
威德交劑量凶渠貴翦鯨膺從悲驅羊兼聞徐邳寇煽誘連村

坊賊來佐殺掠賊退安耕桑浸尋及汴洛伺隙窺洛漳古者兵  
寓農此意暗竊攘民生苟有賴豈甘蹈鋒銳矧茲歲中稔靡食  
殊凶荒宜降寬大詔以慰斯民望搜括去已甚兵農戒參商赦  
過復宥罪弔死兼問傷愛民摯如子去吏貪如狼一一詔節臣  
鴻恩流滂洋津門濱海地民禍猶未忘邱木所斬伐兵燹所夷  
創吏士所跲藉田禾所摧戕加意爲撫循破格求棟梁要使敵  
愾意常欲歌同行蓄銳俟時發豈畏天驕狂京師百萬戶窮餓  
走且僵終年行糜粥此法安可常損上以益下民說乃無疆奉  
御及工作裁減求所當變通首圖法太府籌員方刑獄息紛擾  
黜陟明紀綱爵賞勵大帥有功如張楊戒其恃血氣敷之以賢  
賜其餘盜弄輩出入百戰場苟能縛渠獻亦可懋賞償資其當

有不爲齋集卷六

三

前茅未必皆逆鷁不見奉天詔湔雪及懷光此筆出宣公遠慮  
何周詳凡此盡急務可以延嘉祥祝釐薄萬姓

聖壽躋羲黃豈不勝開科感德惟膠庠 聖人豈自尊亦欲禱  
亂禳承流賴羣賢曩若盈朝堂諫官職補闕宰輔資助襄訂謨  
矢遠猷無徒時世妝時艱日云劇體國謀久長三朝沛德音歡  
聲格窮蒼跼勉籥徒薪獻替瞻煌煌

官箴十首送李子丹之官保陽並呈伯敏  
吏無雅與俗雅俗洵在人所守

天子土所治

天子民牧令有愷悌宇縣無風塵所知果安在第一當民親疾  
苦在心目精神洽原昉統統衙前鼓萬姓方悲呻呼籲不可隔

茲乃眞陽春

小民雖愚柔稱施以爲報同德與離心視上所先導與聚而勿施視其所惡好戴星勤出入飲冰勵節操無俾胥舞文無聽役養盜平時恩信孚有急易渙號眾志自成城何須費文告

俗吏競聲氣心神瘁逢迎腐儒諉教養迂疎徒近名古今有異勢時艱有難行催科不慘急養道漸以成訟獄無偏頗教思徐以明實心布實政宛轉多權衡悃悞安無華四境歌更生

轉餉垂十年誅求貧到骨况聞新令下情形愈竭蹶縣令所得爲培克供調發要當求曲全俛念民力竭清勤爲之倡官吏絕乾沒下少餘困倉上未損毫髮忍以赤子膚鞭撻作金穴况聞窮則變鉅險有倉卒

有不爲齋集卷六

三

賊盜無異術要在窮根株里魁與伍伯豢盜股其腴吏胥更爲芘殺越乃無虞嚴察固爲要亦在威信孚重賞復峻罰破盜如決蕪守望勸鄉鄙保甲嚴郭郭勘驗勤按部形勢詳邊隅壇廟及墟集言服察詭殊吏民有材武兼任供馳驅豈惟小盜息亦絕外寇覩

獄訟繫民命功過此最鉅一紙入縣門數家共延佇停耘罷買易喁喁待判處無縱攝者噬無俾闖者阻情節苟非重解紛止數語證佐苟非要何爲多攝取案牘躬檢閱符檄不妄與利誘復威赫俾將構者舉得聞一痛懲安敢肆簧鼓尤貴不留獄以免滯固豈矜擊斷敏亦拯守候苦

廉恥道久喪導貪頗有人殷勤問官况先憂范甌塵小忠效隸

胥巨貨來縉紳彼以利投餌相愛都非眞丰采一朝挫百爲未  
可伸君當燭魑魅下車巖笑頓不聞清白吏厥後皆采薪我惟  
效叔向更賀韓宣貧

隕波際天流俗吏有衣鉢剝下以媚上相勸但攘奪一二矢清  
白利害肆啗喝其言似近理其勢不可遏我惟勤民事謹慎行  
惻怛政成而民孚所在感生活大府亦有人受知膺特達丈夫  
當自立無受此曹聒

畿輔多上饒地兼幽冀維秬麥與黍稷職方詳所宜北人憎水  
利漭洩昧所施望天爲豐凶坐待雨澤滋君如久厥任詢訪當  
周知農田亟勸勞水道求昔時一縣有倡率興利未有涯下以  
蘇南漕上以實京師茲爲萬世利勉旃行勿遲

有不爲齋集卷六

三

東垂際溟渤南戒接豫兗重兵久屯戍梟鷲未遑翦撫綬多牽  
擾拮据供饋轉惟當勸吾民同心共黽勉豈惟盜弄輩烏合襍  
強慙士著扼險守一戰可以殄嗟彼潢池愚桀黠類羊犬魚鹽  
有死士瀕海識深淺積久窺厥技皆可佐驅遣愷悌有深入號  
召聽舒卷宿兵安可長勞費力易戩俾民盡同仇勸導啟良善  
供獻旣以省蹂躪又以免曷哉神君治矧看偉略展  
蔚山齋中杏花落盡淒然有感示用霖  
花時誰愛惜落後轉淒其坐待英華歇空餘感慨滋欲熏香世  
界誰識苦相思憔悴行吟處靈均意更悲

古意

粉骨碎此身和以蘭膏馥待歡中夜行爲君作明燭

曉來風雨惡欲歡無渡河歡洵欲渡河爲君當衝波  
檢點心上語乘間爲歡發歡怒未可犯書之托明月  
儂有一寸心廉鍔如干將請歡佩之出魑魅千里藏  
爲歡釜中魚當烹亦不哭不辭薦刀俎喜得入歡腹  
歡心有嗔怒從歡一一說歡怒有時盡終當更歡悅  
儂欲作歡影托此明月光任歡面向背常得依歡旁  
聞歡背後語肝膽亦相照恨歡學校猶當前各嘖笑  
爲歡庭前花從歡獨折拉爲歡窗前草從歡獨踐踏  
奉歡百壺酒思歡十二時祝歡千萬言只莫多別離  
送用霖南歸

垂楊綠滿城飛花紅墮地送春復送君悽惻此時意有琴不忍

有不爲齋集卷六

香

彈有酒不忍置惟當竭鄙誠宛轉盡厥志以當十日語書成置  
行笥長途多苦辛征夫日况瘁珍重莫輕遺一抹故人淚

攀留不可得轉爲籌邊行東南日告警有家寄茸城慈母望倚  
閭遊子心懸旌三年此濶別不歸豈人情言旋視寢膳慰問舒  
孺誠始言離別久繼喜功名成終宵侍顏色悲喜當交并

丈夫志四方孰肯私妻子房帷睚宴好壯士所深恥要當視所  
遇匪勉篤人理君身有具眼風塵識奇士慨然啟甥館賜給俸  
至此只今泰山頽弱息恃君子嘉禮幸早成居室且善視率以  
盡婦職泉下報知已豈曰暱妻孥人道從此始

窮途仗友生時危困英傑交遊詎可少要須擇賢詰柔媚與輕  
薄有志所必絕折節取直諒臭味必芳潔有事堪依恃平居得

規切念君少且孤不憚苦口說薰蕕不同器縞紵慎投結  
和平福所依褊躁禍所歸祥風與甘雨萬物舒生機人心一天  
地生氣無相違從容以養福審察惟見幾灌夫好罵座文長多  
忽詐就使禍不及亦爲君子譏只今世路狹謠詠常紛飛儉德  
以避難豈曰同脂韋

英髦挾爽氣獨自開生面俯視繩尺輩齷齪如襪線昔我如君  
年亦復執此見歲月感如流春秋旣屢變乃知聖賢論篤實  
若操券名流有結習疏濶守厥便維玉貴磨礱維金待鎔鍊  
脩身而慎行眾論美邦彥安可縱吾意力與公議戰文叔戰  
昆陽勇氣吞萬牛當其未措施恂恂惟直柔養氣以待用有  
發不可收終日恣馳騁一蹶難復瘳文人習相輕志滿氣  
亦浮德性未堅定往往從汗流操心以慮患艱大方可投相期  
在遠到勉旃吾言疇

有不爲齋集卷六

五

初至壽陽賦呈觀齋夫子卽以鳴謝

時亂迫遷流生人老羈旅南北復東西飄搖靡定處海氛又見  
告危邦日齟齬門庭延虎狼道謀開雀鼠我有垂白親殷憂悵  
誰語仰荷長者意提挈得遠舉從茲適樂郊棲遲得我所  
長途給脂秣險道籌安輿晨征戒寒燠莫宿分遽廬一日數垂  
問常恐慈顏劬威迤千里程遂抵君子居鄉人各問訊感歎同  
嗟歎一二舊故識情誼尤肫如自公錫類仁教孝式里閭賤子  
獨何長乃此當吹噓精粲促我炊廣廈爲我虛

古人重一飯千金猶謂輕辜恩非丈夫况我荷再生清芬屬公

家世胄聯簪纓青銜伴誦讀未足將吾誠所冀公孫賢清白  
令名藉茲稽古力鬱爲命世英貪天以爲功此心無以明日邁  
月斯征黽勉觀厥成

皇路多憂虞臣道豈一致忠臣急名節重臣在幹濟出處進退  
閒動欲社稷利公今旋鄉里正可伸大義敦勉此族黨調和此  
官吏勤王使有資聯絡似指臂按劍起同仇垂紳決大義宗社  
方賴公豈曰臨難避在周有文侯此爲晉先輩

田舍有富家垂涎滿鄉里晉土未殘破蓋藏尙有恃四方桀黠  
輩久矣側目視及今未瘡痍成城眾志倚同心杆外侮陰爲國  
家恃此亦鄉里誼保救協閭比豈爲受恩深強人以從已狂言  
報知我並告都人士及時當有爲勉旃諸君子

有不爲齋集卷六

三

初至壽陽寄懷都門諸友卽以誌謝

五載宣南路歡踪日夕親烽烟迥離別歲月感逡巡京國人如  
海鄉邦誼最眞重來復何日回首倍傷神

燕市攜觴夜江亭看月時燒燈敲險均翦燭看殘棋未覺當前  
樂偏增去後悲迢迢一千里殘夢悵難離

世事竟如此昏昏誰獨醒籌邊失險阻揖盜入門庭國計成瘡  
痍生人似旅萍燈前幾長嘆空對劍光青

寂寞荒邨景深秋閉小齋青山環四面黃葉滿空階舊雨日相  
遠新愁時滿懷詩成悵誰寄別思到天涯

初至壽陽寄懷用霖南中卽以代書

離別未半載世事堪增傷夢想所不到我乃來壽陽始者君初

行南事多披猖名將旣死綏破竹憂蘇杭果然長城失賊燄不可當北土尙無事委蛇安故常書來道近况知君容維揚尙冀奉養遂旦夕來北方無端海寇急涉險恣跳梁此寇不難禦桀黠憑舟航大帥總防務扼險如金湯豈知金錢力乃能市天潢賊至不得擊談笑隳周防馳書戒守禦萬眾韶鋒銳金牌一十二一一出廟堂遣使日講和冠蓋遙相望醜虜旣得勢豈復容商量益以我奸人構煽樂禍殃盡銳日西向毒螫踰貪狼坐致翠華出延秋去倉皇留務屬賢郎眾望方差強又不畀事權遙制多參商大勢遂瓦解萬眾相驚惶舊相急殉國鞞刀久自藏或謂死無益大計先宗祔燕晉地接壤控馭聯朔荒七聖布醴澤二百安熙穰豈無忠義士可與歌同裳不如歸號召捲土堪

有不爲齋集卷六

七

勤王此意幸能入言旋整歸裝交誼有彌摯念我奉高堂危邦豈可處相將踰太行浮生久如寄所在堪期翔中秋出京國九月風歌唐場來馬首地深山環村莊此行堪避地萱幃亦緩康可持慰君念感君意故長頗憶往年冬規我語獨詳無爲輕七尺奉親謀必臧今者幸遠舉足慰良朋望轉念君在南轉徙環江鄉曾否奉老親善地安徜徉結縞莫更遲昧旦相扶將老親亦歡顏有婦羅酒漿東南盡殘破何處謀稻梁荒學五六卷亦近詩書香愈於入州府俛仰隨趨踰稍可遠蓮幕決去無徬徨此輩少佳士濡染輒有妨擇交幸勿濫處世兼柔剛瀕行贈別

意欲君無相忘我此入山深適與夙願償軒冕已無意泉石清膏旨秋林共踏葉春社觀條桑仁粟奉我親伏臘烹羔羊

荆妻習井臼食貧安糟糠主人意彌厚感德增淋浪立效報  
知己玉樹培芬芳稍待學業就斐然能成章徐謀返故園有  
田在池塘松楸視先兆聚族偕蒸嘗尙思牽子弟忠孝勤耕  
桑

聖清愛黎元惠養多慈祥指日慶中興須才侍巖廊努力愛春  
華待子歌霓裳歌詩寄吾意宛轉迴衷腸有便幸相報一紙飛  
琳琅中宵聽鴻雁寒月流清光

丙寅上巳郭樂山太史戴子輝駕部唐景心比部招同中州張  
秋塘處士廬州黃佩卿司馬黟山黃蘭韻小帆兩孝廉王松  
坪教習同里楊香岩大令及令嗣郭小山攜琴載酒襍飲江  
亭爲竟日之歡旣歸余屬劉和齋處士寫爲圖以志良會因

有不爲齋集卷六

五

綴以詩

晴陽媚春色萬象生光輝良辰况上巳紅綠交芬菲朋簪集上  
都素心幸無違江亭昔勝地風流慕卉楸蘭言旣以暢芳酒良  
共揮鳴琴畚松風太音一何希始知笙瑟俗嘈噴大足譏虛窗  
縱遠眸野芳含清暉西山送晴翠磅礴拱

皇畿歡言四美具日暮愴忘歸長眠念故舊宿草青離離樂極  
感易生往事增歎欷乾坤多憂虞萬類非咸熙客從皖江來南  
土新創夷元氣幾時復岌岌愁生機楊子近捧檄東方羽書馳  
或者愷悌澤可以消戈鉞冷官竊微祿遠猶非所知未甘草木  
腐練心茲其時蘭亭觴詠樂稌序何其悲無亦傷晉人清談忘  
顛危祖楫與陶鑿風義殊可師狂吟諗同志前修以爲期

憶放生池春遊懷西園兄

晴陽媚綠波高柳籠碧煙樓臺浸倒影金碧涵淪漣山翠壓牆  
入塔鈴凌風圓啜茗恣野語種菜勤枯禪土阜縱遐矚心遠地  
自偏潢汗雖勺水遊息暢其天爲憶素心人日來清溪邊賞奇  
復析疑倡和塤篴聯此樂不可再倏忽二十年春光動新綠又  
上垂楊顛烽煙渺天末結想時纏綿

江東

江東風物最闌情旖旎春光雨後生芳草似茵吳市路垂楊如  
畫秀州城綠波放棹朝攜酒紫陌吹簫夜賣餠過眼那堪成浩  
劫烽煙南望淚縱橫

萬壽節日書感

有不爲齋集卷六

五

萬國嵩呼日謳思共一天地懷邵室遠人望

翠華旋九轉無丹訣千秋有鑑傳誰陳無逸策忠懇祝堯年

三婦豔

大婦耀珠翠中婦曳綺羅小婦顏如玉秀黛明雙蛾春粧不敢

鬪自浣溪邊紗

大婦彈箜篌中婦調笙簧小婦拙新聲未登歌舞場鳴琴對修  
竹送此秋月光

大婦簪鼠姑中婦贈芍藥小婦無所采春情悄焉托幽蘭在空

山孤芳伴開落

送春四首

九十春光一利那杜鵑聲裏聽驪歌也知此別終難免竟到分

離可柰何新綠園林花事了落紅庭院客愁多隔年縱使還相  
見此夜傷心豈易過  
斜陽簾幙書情惜綠暗紅稀夏氣侵香國可憐成一夢今宵真  
欲值千金新詩寄恨低回寫濁酒禁愁獨自斟不爲春園惜桃  
李跳丸歲月悵駸駸  
綵仗東郊曾幾時又將言別感臨歧還留嫩綠圍香界怕見殘  
紅戀故枝聽鳥生憎說歸去種花最恨是將離天涯無限懷人  
淚豈獨傷春寄所思  
脈脈春愁海樣寬眼穿腸斷怯凭闌欲攀垂柳難爲別縱有餘  
花忍更看芳草多情誰作主青梅雖小總含酸曉鐘到耳渾無  
賴振觸迴腸感百端

有不爲齋集卷六

三

春向暮矣圓月如鏡來照山窗憶別用霖已近一載撫時感事  
寄懷於言

前年此明月與君行相隨去年此明月與君將別離今夕復何  
夕明月如舊時照我山齋東盈盈弄清姿君今在何處南北渺  
天涯隨月望東南千里遙相思不願萬戶侯不願千金論但願  
時清平偕歸故山陲故山多松竹翠碧環如帷春蘭結素心春  
棠媼紅絲共君讀書樂長與俗人辭悲來舞長劍與至傾酒卮  
醉卧萬山綠夢亦偕酣嬉永言似明月團欒無盡期  
端午祀屈子有感

甘載傷心事

余自戊戌受讀楚詞

興言感百端脩名希古易世事獨醒難

荆楚訪遺俗沅湘悲急湍瓣香安可接空羨采幽蘭

春浦師

題蕭尺木離騷圖有端木亦傳楚詞家句見許

諸人共坐劉家墓松下

古樹垂翠陰濤聲靜空谷避暑一促坐幽曠浣心目遠林若畫  
圖疏密映晴麓萬籟悄無聲野香暗流馥久坐愈流連安能此  
三宿

仿工部有感五首

孤城餘建業計欲挽天河坐困賊援絕合圍兵勢多寇窮防致  
死師克在能和莫使徃全勝關心聞凱歌

玉階羣彥集金柅一陰生所懼徠便佞因之誤

聖明忠言思檻折直道尙廷爭衮繡元公業端由吐握誠

仰屋司農急千家杼軸空誰知貢賦出多自亂離中蠲貸縱難

有不爲齋集卷六

三

遽催科忍論功願持休息意

清問軫哀鴻

濂洛道誠大千城材各殊得人光盛治舍已寔良圖往事東林  
鑿羣材大匠須傳巖霖雨相師法豈程朱

已是防維裂何能侮慢禁要持廉濫意隱戢覬覦心有鳳巢阿  
閣何鴉集泮林從來自強代薪膽智深沈

送子禾典試湖南

聞道長沙郡當年屬鯉庭文章堪報

國清白懷傳經北闕資霖雨南天望使星芷蘭皆教澤珍重採

芳馨

溲溲三湘地棲棲六月時衝炎持使節在道問民依楚豫氛猶

熾荆衡力已疲

九重勤恤甚前席待疇咨

用兵垂十稔多士半從戎漸長飛揚習爭言戰伐功英豪歸藻

鑑科第亦牢籠爲語

朝廷肅

君臣一德同

別去君無念高門慶未央蘭孫承色笑椿壽正康強室有詩書

澤家無時世粧歸帆爲君祝清影照瀟湘

書益縣事

權算非善政竭澤供餉饋奉行豈得已應須痛且愧身爲民父

母所職在撫字縱難籲蠲除何堪肆叨憤令孟者何人姻婭托

有不爲齋集卷六

三

大吏設亭城東隅征權靡不至娟娟新嫁娘盡篋搜膏翠悽悽

旅客櫬幾欲奪含穢令君縱無狀何至此貪恣率由屍居習假

手大輕易戚友及爪牙因之競牟利俾民蓄怒久涓良亦攘臂

大吏蔽膚受遂欲兵威示比隣有賢良撫循定眾志奸貪愧且

忌啟侮煽浮議當知赤子心事與醜虜異自非無告迫安忍妻

子棄兵氛已十年帶甲滿天地寇境烽未銷良民力已匱加意

爲撫綏猶虞奸慝餌旣無戡亂才爭爲召亂事茲方幸未變茲

風日以熾不知生者樂安能亂者治天運苟如此但有日謀醉

聞捷

聖仁恤民勞兢惕挽天意天心爲之回捷書日再至蘇城旣克

復苗逆亦殄類

國計重根本三吳財賦地青螯一朝去生聚可重施頽亭界中  
州震鄰及豫冀趙趙天誅行羣慝悚以悸因念今年來軍行動  
如志川西殄梟獍皖北戮魍魅淄青下堅城臨洛肅烽燧諸軍  
秉

廟算決勝奮勇智賢藩一心德懿親重闔寄所向有成功忠勇  
冠羣帥今又奏大捷太息念所自兵事有利鈍天心默位置天  
心有喜怒

主德觀敬肆側聞

深宮中勵精以求治灾祥敬天戒節儉守天位刑賞協大公親  
賢遠側媚所以天眷篤昭應在兵事於戲天難諶此福殊不易  
湟中未洗兵江皇尙列幟民生久創夷黠寇近窺伺欣聞唱凱

有不爲齋集卷六

聲更零憂時淚兢業慄萬幾爲山方一簣誰持告

九重長慄此懲毖欽哉篤天寵隆平可更致

寄懷陳子璿

南澗月中語鷺洲煙外歌傷心一朝別彈指十年過烽火故鄉

黯黯塵京國多何時更把臂樽酒往煙蘿

才士徧天下如君今幾人險夷通地利氛祲識天文跳蕩親刀

稍清貧葆席珍誰能將聘幣徵起會風雲

有用才將盡無慘恨易生窮愁亡石介喪亂失宣平世事悲何

極奇材晚愈成匡時更誰屬相待佐澄清

托跡亦何定賢豪惟濟時染濡隨耳目精密運心思漸與周旋

洽因知制馭宜敷天有同憤一卷詔來茲

從君思受益愧我百無長寵祿翻先竊涓埃效未償音迷鄒子  
律技愧岳侯槍請業平生願他時有厚望

答李心齋見寄

秋月照虛堂蛩聲冷四壁涼夜悄不寐睠言思往昔昔始遭  
亂盡室寄鄉僻主人有高誼使我忘作客朋簪互唱酬詩書共  
紉繹敲棋月過廊鬪韻燈照席曩使寇遄滅優游數晨夕何爲  
作羈人天涯勞行役巨奸執兵權隱與天恩晉宮儲儲儲儲  
廟堂敵陰懾將士心養賊不敢擊川西老將軍忠勇久著績授  
受本方召麾下半顏慙倘使盡銳攻梟獍早已磔渡江一夕語  
啊喝歛鋒鏑賊勢乃轉熾故土靡完宅我幸來北方君家遭蕩  
析迢迢七八年音塵久睽隔何幸緘札來珍重讀手跡歷述所  
遭際三復涕交臆熒熒楮墨間疑有淚痕液縱能爲君謀恨不  
濟君急天禍有時悔

有不爲齋集卷六

十四

累聖留遺澤

太皇女堯舜兢業前光迪諸將秉

廟謨一朝殄兇逆竝見故鄉土還定獲安息君當賦遄歸汗萊  
更重闢歡笑聚塤篥流憩撫松石一官悵匏繫歸舟未能刺賦  
詩申遠懷聊用慰相憶

直夜對月書懷

秘地薇垣肅宸居鳳沼縈虛窗炯寒月清禁肅嚴更就列思  
行義憂時願洗兵繇綸懃典掌何以佐昇平

仲春望日記

岳忠武王述志

忠臣雖被禍猶能爲國利人謂王功成唾手復疆地抑知班師歸臣節示萬世南宋居下游屏藩仗諸帥外重內則輕尾大慮難制臨淮昧臣道河北襲其弊強藩與悍將跋扈迄唐季惟王謹奉上後來慕風義岌岌百餘年終少叛亂事乃知旋師時純忠兼遠智君命敢不受悖哉俗儒議

作法不可涼聖言實堪誦杯酒釋兵權當時服妙用從此猜將帥受害終有宋武襄位樞密危疑日聚訟魏公沿其陋忠言聽如夢妄億思得軍坐致淮西開後來莫須有冤獄自此種武臣國爪牙甘苦士卒共苟不得兵心萬眾何以統安可積猜防惟憂將權重

大倫首君親忠孝萬事本惟王立人極至性積繇繇外捍紓疆

有不爲齋集卷六

五

場內行美閨壺迢迢三代下周孔去不反太真絕衣裾雖忠孝已損程子諫折枝愛君非款懇王起編伍中末俗起衰晚顧吾讀遺書積愧時自忖愛日幸舒長狂瀾未能挽罔極何由報傾葵但積悃貧賤安足傷所傷在道遠吳其言發慧自其蘇近曰內閣故事閱本章者十四人以中書資深者序進俗所謂委署侍讀非升階也已丑五月探輪植是役謫人猥以詩抵推獎

太過報謝一章兼以誌愧

合韻編

疲駑服鹽驂力困情亦勸道逢孫陽顧精神倏一變雖非騏驎姿志欲逐奔電舍人宰相屬職掌豈云賤宋代知制誥清禁夜鎖院詔令九天下封駁其不便蘇軾重內限蘇軾大聖代設樞廷此局等史掾密勿非所聞成規守習見依樣畫葫

蘆長貳久諳練愚者干慮得欲獻懼呵譴葛侯盡羣才西蜀所  
以奠重耳聽輿人決勝城濮戰濟濟清要秩所事但鈔繕君言  
曷敢當嗟予守孤狷不爲立仗鳴終成棧豆戀恐負

聖明時兼辱大臣薦微雨送新爽秋花已如蒨不如從君游蔬  
香餐白菟

秋夜獨坐和用霖春夜韻卽以寄懷

斜月半階移樹陰遠鐘聲斷漏沈沈一燈青影夜窗靜四壁暗  
蛩秋草深涼風颭簾度螢火清光如曙驚棲禽空廊寂坐萬緣  
息欲寄一緘論素心

曉起

曉色明虛幌幽人起獨先晴雲初歛影斜月尙流天倦葉無風

有不爲齋集卷六

美

落疎花帶露鮮清涼殊可愛獨坐展詩篇

秋爽可愛卽景成句

爽氣愛秋晴虛窗竟日明露涼花漸瘦風定樹無聲志與日俱  
明心將天共清最憐岑寂處靜慧自然生

送澂之南旋

賢豪不得志鬱鬱爲茲游孫子富才學慷慨時無傳博聞窮八  
瀛壯志吞九州然犀温嶠燭借箸張良籌倘使當一百魑魅安  
足劉循循爲人用補苴非遠猷君效已略見君志殊未酬羨君  
好讀書喜君富春秋努力崇明德更待

朝廷求

和戰屢失策譯垣啟新政衣冠接罔兩臚琛雜臬鏡夏侯有至

言無此國乃慶賤子亦有說選才先正性真有忠良翊能使異類敬茲乃濟艱難豈繫遂奔競原吉重廉恥同甫秉剛勁知君有至契瓊芳互輝映匪勉切磋益以求事之竟佻佻者誰何一以割席縈

才性不相及有若鶩與驥我才譬之君彷彿有茲意顧此耿耿念長懷請纓志屠牛貴批隙要在習其事其如構昧甚素性之強識君今行將離勤勤篤交誼勿念旅客貧勿以虛譽醉願聞直諒言庶以益吾智

幼小同學舍綴文互相師中間更亂離參商不相知我羈金台側君游東海湄前年奉檄來值我閒居時僧寮縱步訪酒鑪或追隨至樂在書肆連臂時共窺得奇互矜賞坐忘斜陽遲撫事

有不爲齋集卷六

七

願君歸論心恍君離今真戒行李後會復何期寒燈遠相憶一樣摧心脾

荒飈捲長空干林葉如掃此時送君行迢迢傷遠道遠道一何永君行一何早欲贈臨岐言怒如我心擣丈夫重紆國安知官惡好遲速何足云忠蓋常在抱長途劇荒寒千金善自保一僕久隨侍寬恕却煩惱歸承高堂懽梅花映晴昊家人羅酒漿懽言壽萱草寄我一紙書釋我勞心懍重逢應不遠圖書共蒐討子禾世兄招作別歲之飲次東坡韻呈教

幼小盼歲加姍姍嫌來遲老大驚歲去堂堂不可追我本江介客羈留滯天涯佩君守家法學業無近時詩書契靡閒更勞擊鮮肥坐令旅人笑詎等長年悲素餐良用慙高情安可辭載歌

明發篇式穀期勿衰

新正十八日入塾次昌黎符讀書城南韻示彭年

弱冠齒成人力學茲權輿况爲清白後世業惟讀書積學腹乃  
實求益心當虛良辰訊上春時維歲之初志氣先激發龜勉光  
門間青春去不返駒隙驚翰如要尋讀書樂當若水與魚勤學  
復好問儉腹充空疏逮其日益富活水來清渠取心注之手藻  
耀非墨豬性靈得疏瀹清輝瑩玉蜍豈徒逐腐朽穢若園中蛆  
藹藹芘蔭下安食而深居不急求自強毋乃虛生歟行義師古  
人成法早自儲一朝取爲用沛然常有餘凡戲總無益無爲樂  
只且不聞往古訓勤勞帶經鋤不學爲世輕伎倆差黔驢不耕  
安有獲不畜何能畚况乃孝廉名寵錫承

有不爲齋集卷六

庚

丹除當思

聖恩厚感懷盈襟裾名榮實不副安能美終譽閒園絕囂塵花  
竹蔚幽墟當年杖履游春綠今又舒撫今更思昔愴然念居諸  
勛哉惜寸陰夙駕休踟蹰

謝許仙坪觀察

江東有下士行能百無取藹藹許夫子拂拭過僑伍我有金石  
交郭泰君同譜伊始識荆日炎歊值夏五善氣盍須麋織綸揮  
白羽其後遠睽隔參商易寒暑君持關中節造土歷三輔我方  
恫鮮民麻衣擁歸櫬重逢迨戊寅萍蹤喜更聚視我乃益親忘  
形略爾麻衣潤子老數奇念子獨行踴勸爲待老計帷房置侍女  
窮老休害人歎從心億拒方命君不罪轉益托心膂爲子計朝

夕俾子給區脯往年賣文字徵求日旁午遂得自食力饑腸飽  
秭稌兩載朋簪歡醴酒家有黃橫街咫尺近居止望衡宇過從  
時造訪疑義互傾剖但喜聯歡悰何嘗軫別緒天子方任賢擢  
用况以叙河內股肱郡詔君往鎮撫中禁出頗牧瀛洲簡房杜  
秘殿謹對颺大藩任艱鉅拭目仰新猷風裁肅繡斧君乃顧我  
咨俾作多士矩慨然念整俗起化在庠序留滯亦何裨願言涉  
漳滏我聞駭且媿構昧安足數豈不願聚首豈不羨修脯矧茲  
河朔游利我不用貶先賢本衛人廟貌瞻如祖湯陰忠武鄉企  
慕等鄒魯况有賢令尹方侯今召杜書問日殷勤定能念羈旅  
顧惟情形室未敢一諾許抗顏本不堪矧茲土風窳舉世趨俗  
學誰知慕醇古揣摩與修能勢每患齟齬秋誨鴻鶴至齊傳楚

有不爲齋集卷六

五

人咻安能藉繡衣臬比設禦侮人求敲門磚我爲商羊舞貪利  
一朝往課職百難舉爾時愧知己悔吝安所處不如慎厥始安  
貧老我所矧余閱世久天窮不可距求通塞彌堅希福禍益巨  
頻年佗僚甚所如動多無往往累知交無端罹泰忤生平金石  
交強半墓草腐居然不祥人君當避如虎更持恩迷念匪曰愛  
簪組吾生未有涯王事况靡盬雖無涓埃效清塵戀禁籞敢云  
葵藿傾誓共荼蓼茹匪君同弟晁豈敢輸肺腑與君相別後素  
居益悽楚肱篋逢偷兒絕交哂錢虜微官托薇省庸庸竊祿稽  
祇爲遵道行詎堪中流柱鳴鴉方嚇雞雷鳴羞瓦甌耽耽數宵  
人憾若劈正斧命駕出安適退食輒閉戶空館聞寒景落葉滿  
庭廡荒燈耿獨夜百感萃憂瘋時事日紛紜康衢交獲畧金貂

陷縲纆冠佩條囹圄人謂无妄灾我感滄浪語當其臨財時曷  
不念簋簠君子憚懷刑安可怨堯禹曖昧誠莫測風尚所熟觀  
自我浼朝列簪纓襟市估物極理必返世道賴支柱小懲期大  
戒貪風或稍沮我雖貧日甚愧忤絕仰俛幸不貽羞辱上累恃  
與怙斗室悄悄長夜皓月清暉吐虛室自生白不用炳蠟炬亦復  
有至樂空明浣塵土舊書百回讀新茶一甌煮便足了此生何  
須歎終窶勉旃謝故人一意報

當二

聖恩兼優渥特達邁儔侶行當總藩屏指顧擢開府方今時艱  
劇努力效伊呂俗吏首澄察惇黎急循拊飾治雖資文禦亂必  
經武側聞河南北閭亦患伏莽此輩固饑驅汰勇亦齋怒往者

有不爲齋集卷六

四

髮捻禍官兵竄如鼠

聖朝恩澤深人心感君父湘淮諸軍奮制梃撻豺豸視彼明季  
亂轉機賴扞禦胡爲一朝平摧殘若土苴豎儒安知事動言節  
倉庾萬一更有事銳氣安可鼓及今早爲計綢繆迫未兩經費  
洵有常漏卮核貪蠱更有當念者元氣在農圃今日農困劇生  
機細如縷窮年悴霑塗生此稻梁黍富豪及貪墨坐食役奴虜  
自非愿且貧早變官與賈含悲把犁鋤樂歲終身苦此輩不動  
恤何以軫飢阻願君尤痛念先爲害馬去感君相愛摯願君澤  
施普銜環與結草空言陋筆楮愚誠不可默敢以罪言抒

送伯音南歸

卅載京華住知心若弟兄論交緣共譜相應本同聲道義箴規

切官階脫略輕今當遠離別何以寫衷情  
鄉里昔遭亂閒闕走上都家貧人盡畏契合德寧孤婉摯綈袍  
誼殷諄益友孚因茲直道事從不罪狂愚  
時艱紛沓至

廟算秘邊籌欲悉彼中事隱懷天下憂劇談兼涕淚至計每諮  
諏慙愧芻蕘問蠢愚未有醜

至好同休戚高情肺腑鑄我方銜恤日君亦食貧年匍匐勤相  
救家山幸得旋良朋有深愛感荷達重泉  
餘事耽文史生平嗜好同校讐羅蠹簡搜討徧蠶叢獲雋殘編  
底探奇破屋中海王村畔路幾度駐花驄

微逐吾徒厭招邀亦自勤撰辰偶逢暇樽酒但論文書味閒中

有不爲齋集卷六

望

趣爐香靜裏焚笑他豪宴客車馬日紛紛  
大好歡棕聚無端疾疾膺金鏹難刮膜紫石痛藏稜頰作歸林  
客眞如退院僧因之迫離別感痛泣良朋  
我亦江鄉客何嫌把臂從家庭胥教誨身世痛遭逢豈爲無田  
戚深慙對案恭甘茲客游老未敢怨萍蹤  
歸去君誠樂南中我痛深飛揚多白屋佻達恨青襟時尙已成  
俗古風誰嗣音故家喬木盡每念畫傷心  
美君有賢子純孝篤天倫家自承彝訓門當遠襍賓蘭階珍遠  
到蓮幕少佳人狂直猶吾素將醜惠愛眞

習俗傷佻巧羣邪難具論君今雖息轍人盡仰高門往事懲張  
丑前車鑒太原莫教清德累先與絕攀援

握手一相送思心千里隨門牆惟益峻藥石頓頻施請命憐柔  
梓論交遠某施不堪垂老別悲莫過生離

有不爲齋集卷六

望

有不爲齋集卷六終

丹徒吳佑曾初校

右刊 先祖遺存手澤六卷憶自壬辰以前侍養京師嘗謂

曰子嗜學垂老不釋卷所留諸稿未必盡堪問世曩刊萬舊集

詩薇省同聲集之碧澗詞皆非予意汝既讀書當留為家學勿

輕以示人自後藩館于奉新許公以督課餘閒彙錄成帙遵遺

訓藏諸行篋至丁酉赴引携入都就正于前輩諸公越三年庚

子毀于亂自是海內競言新學不敢再言選刻延及戊申鄉姍

丈鄧公熙之隨節來粵復鈔是稿請為採擇始刪訂成書彙為

六卷仍其舊曰有不為齋 先祖生平著作甚富所有經史粹

言讀史法戒錄各四卷于同治己巳光緒己丑皆手書先後進

呈又金陵待徵錄選刊古今體詩百餘首其餘文賦詩詞說部

雜著均有存稿尙未付梓藩不學無術不能闡揚 先德遺憾

有不為齋集跋

終天又以近年待罪署任勢難讐校伏乞

當代大君子閱是集隨時指政并求

賜序以光篇首則啣感無既矣光緒戊申中秋後一日承嗣孫

藩謹跋其書曰言不為齋 沈氏生平著作甚富

天體公照之詞論來與史錄其辭類錄來與史錄其辭類錄來與史錄

子毀于論自異朝內讒言謠學不煩再言毀後致又及申職職

順頌諸君對至丁酉依臣謝人潛線五千首彙錄公越三年庚

子毀于亂自是海內競言新學不敢再言選刻延及戊申鄉姍

丈鄧公熙之隨節來粵復鈔是稿請為採擇始刪訂成書彙為

六卷仍其舊曰有不為齋 先祖生平著作甚富所有經史粹

言讀史法戒錄各四卷于同治己巳光緒己丑皆手書先後進

